

欽定方輿路程考略

由京師至浙江水路

嘉興至杭州卷

杭州府上下二卷

杭州武林驛出鳳山門入錢塘江泝富陽桐廬至嚴

州府二卷



二二二二二

以上缺二卷當是嘉興府勝蹟

欽定方輿路程考畧卷

由京師至浙江水路

第二十一

嘉興府西水驛三里至三塔灣

三塔灣本名三塔舖縣志在縣西八里上有景德寺

宋建炎中建有白龍潭本寺碑記初寺基下白龍

潭凡遇風濤舟不可行或晴霽有白光三道僧行雲

積土填潭始造三塔宋蘇軾過白龍潭見李景元畫

竹絕愛之因亦作竹於壁并題以詩曰聞說神仙郭

恕先醉中狂筆勢瀾翻百年寥落人何在只有華亭

李景元即其處也

方輿路程考畧 卷

御製題蘇軾墨竹詩

徑尺筭管墨淺深雪堂健筆勢千尋縱饒凝露春梢色

不比凌霜挺節心

宋張堯同白龍潭詩呼吸風雲合飛潛自有時只愁

潭水淺龍角被人窺許同友白龍潭詩呼吸湖中

水山椒寄此身洞門風雨夜電火逐霜鱗元牛諒

三塔寺詩龍湫闕馴龍古殿敞金粟僧歸林下定雲

傍簷端宿伊予陪雅集於此避炎酷別去將如何留

詩滿青竹徐一夔三塔詩野曠天愈豁川平路如

斷不知何朝寺突兀古河岸潭埋白雲沒林密翠雲

亂勝地故瀟灑七月流將半合并信難得通塞何足
算明楊撫三塔寺詩漠漠江村暮停舟數落霞花
飄金雀亂橋鎖玉龍斜僧梵迷三塔神遊逼九華琴
書携共遠幽興老還賒王守仁送芳上人歸三塔
詩秀水西頭久閉關偶然飛錫出塵寰調心亦復聊
同俗習定由來不在山秋晚菱歌湖水濶月明清磬
塔窻閒毘盧好是嵩山笠天際仍隨日影還黃正
色三塔晨鐘詩諸天開霽色烟水望中分塔影搖清
漢鐘聲響白雲鳥遷雙樹曉僧定異香聞美爾空林
下翛然隔世氛周紹濂三塔鐘聲詩鴛鴦湖畔水

方輿路程考畧

卷

二

西頭高閣凌空上界浮日日蒲牢聲法界鉢中驚起
卧龍遊

三塔灣六里至學繡里

學繡里縣志在治西十四里名學繡堰相傳西施學
繡於此俗訛岳秀上有古塔塔東有茶亭明張珮及
第重建更名種玉亭漕渠水經其前龔明龔種玉
亭詩孤雲帶月光水際若浮玉凭欄一賞心滄浪歌
濯足

學繡里六里至分鄉舖

分鄉舖縣志在縣治西二十里有分鄉河上從西運

河來下從東區界去

分鄉鋪九里至萬壽山三里至陡門鎮

陡門鎮在縣西北三十二里夾運河南北廛居二百餘家民務耕桑女工紡織頗有朴茂之風

御製浙省道上書懷詩

徧野農桑繞翠旌畦邊童叟帶雲耕江山盡是昇平日寸晷難忘終始情

明王世貞嘉禾道中詩方春愛行役因與陶嘉候燕尾碧相襲鴨頭青始皺輕風憐舟師爲我來往奏收帆楊柳色沽酒夕陽埃有友四五人傾觴如懸溜絲

方輿路程考畧

卷

三

鱸出網鮮乳鴈伏巢鷺扶輿端互起謀歡策爭售問余傾玉山應須墮月後俯仰人間世所得良不偶

陡門關在鎮北其折於關前者爲苕溪支流山海經

天目山一名浮玉山高遠濶深苕水出焉自於潛臨

安兩縣界東流百五十里至錢塘又東流會於具區

是爲湖州府也相傳夾岸多苕花每秋風飄散水上

如飛雪因名輿地記餘杭之西有冷溪蓋取清冷之

意乘舟至此輕若凌空唐天授三年勅錢塘等四縣

租稅逕取道於此公私便之蓋指通運道之苕溪末

流也宋程以南苕溪晚泊詩一笑苕溪上微茫駐

日曛鷺沙行个字魚水押圓紋晚色三家市秋容幾
樹雲行藏知有分莫誦北山文無靈漸又四式自來
陡門十五里至妙智三里至永新舖九里至阜林鎮
阜林鎮本屬桐鄉縣亦曰阜林市舊有阜林驛明時
輒改入崇德縣張士誠攻嘉興元將路成駐兵於驛又
屢常遇春與張士誠大戰阜林卽此 元薩都刺阜林
舟中詩春溪野鴨肥可射幽樹深林叫山鷓遠人三
月酒船過柳絮飛時杏花謝行行水竹上雲林往往
人家雜僧舍小官便欲賦歸與何處買山錢可借黃
阜林鎮十八里至石門灣

方輿路程考畧

卷

石門灣在石門縣北二十里春秋時吳拒越壘石作
門以爲限唐有石門驛故市名石門巷名壘石宋黃
幹嘗監酒於此作石門酒器五銘明分東界屬桐鄉
西界屬崇德今改名玉溪鎮博野林山縣人三
御製桑林乍綠蠶事方輿詩以嘉之此入元藝確陳阜林

彌望桑林吐葉垂枝嫩碧初勻竹舍正殷蠶務天工雨
露維均驗本風麻襪課衣曰阜林市舊有阜林驛也
宋黃幹石門酒務詩吳越天下富京畿遊俠鄉隴畔
盡膏腴第宅皆侯王世言蘇湖熟霑漑及四方自我
來石門風景尚淒涼凌晨開務門有酒誰復嘗谷明

王守仁石門曉泊詩風雨石門晚停舟問舊遊烟花
春欲盡惆悵繞溪頭 都穆舟次石門和韻詩讀罷
新編如覲面石門知有幾番遊小軒暮坐清閒甚落
日蟬聲碧樹頭 王穉登石門曲採桑復採桑蠶長
桑葉齊妾在石門東郎住石門西 又蠶成桑麻空
門前青苧長一半織郎衣一半結魚網

方輿路程考畧

卷

五

隔行旅雜沓與擔負而趨者趨起不前錢君建高橋
於市東千百載艱阻一朝利便 明謝廷柱詩斜陽
阜林驛暗月石門橋雨暴桑難葉烟封柳未條客懷
空耿耿春事竟寥寥今夜舟中夢閩山翠欲漂音朱
逢吉玉灣聞書聲詩前代交兵後春寒風雨多故家
餘禮樂新進尚絃歌矮屋清吟聚歸人白髮過門前
水如玉鐵硯正須磨 又邑市雙虹詩邑市谿難渡
飛虹下作橋卧波雙偃月踞石竝吞潮

陋巷村在鎮北宋時曲阜復聖公裔顏復字道長建
炎間扈駕家崇德石門鎮贈禮部尚書子孫自爲村

落名陋巷村

張園在玉溪鎮後宋咸淳中張伯淳所築亭臺甚盛
宋戴敏初夏遊張園詩乳鴨池塘水淺深熟梅天
氣半晴陰東園載酒西園醉摘盡枇杷一樹金
杜若沖石門張氏園詩爲米徒勞束帶難當時彭澤便
休官高情曾賦歸來句盡入名園扁署看
石門灣五里至福嚴寺

福嚴寺縣志在城東北十二里唐乾符初建名千乘
院宋大中祥符間改今額徽宗潛邸時有道覺禪師
以咒水愈陳太后目疾乞住此山賜金環磨衲袈裟

方輿路程考畧

卷

六

師有草菴歌黃庭堅書陳舜俞記 宋楊萬里崇德
道中望福嚴寺詩一徑青松露三門白水煙殿橫林
外春塔漏隙中天地曠迎先見村移眺更妍客程坐
行役不得泊春船

天中山在福嚴院後高二丈許竹木蒼蔚有亭獨峙
可恣遠覽 明沈宏遊天中山詩翠微隱隱白雲封
一點煙霞透碧空駕起神鼇凌斗畔飛來靈鷲落天
中溪流宛轉千乘院地軸盤迴五社宮幾度登臨觀
勝槩十三涇水下梧桐
福嚴寺五里至羔羊村

羔羊村屬石門縣北千乘鄉地有羔羊井泉味清冽
木旱澇不竭旁有石亭郡志漕渠自餘杭而來穿石門
縣北出受塘左之涇十有八受塘右之涇十有三羔
羊涇塘右之一也里出玉乳梨宋時進御一名千乘
梨門宋陸坡禦兒梨詩美實鍾寒谷珍嘗近御奩彼
孰徒貫玉爭得似無鹽 明朱逢吉千乘梨詩秋高
美梨熟萬朶絳雲蒸曾得君王喜因為里閨稱春雲
凝白雪曉夢入青綾何必潘郎賦佳名處處騰
羔紀目坡在羔羊村東南斷碑云吳王夫差募兵五千
教養於此曰紀目者立綱紀而有條目也坡高十尋

方輿路程考畧

卷

周三百步今置堠亭於上

羔羊村六里至虎嘯廟

虎嘯廟縣志在城北分水墩本名滙秀菴明令靳一
派以城南靈勝菴改額龍吟因併以此菴改額虎嘯

虎嘯廟三里至石門縣

石門縣屬嘉興府春秋禦兒三國吳嘉興縣地唐爲
義和市五代吳越析置崇德縣屬秀州宋因之元升
爲州明復爲崇德縣

本朝康熙元年改石門縣唐崔峒送丘二十二南歸詩
春水與寒煙嘉禾路幾千孤猿鳴海嶠羣鴈起湖田

曾見長洲苑嘗聞大雅篇却將封事去知爾得閒眠
宋楊萬里郊勞使客船過崇德詩北關落日送船
行欲到嘉興天已明睡起一河水片滿槌瓊縱玉夢
中聲周致堯登崇德城詩溪上孤城百雉餘城門
猶自護儲胥灞陵空宿將軍騎范叔應隨使者車雞
犬寂如兵過後漁樵間出市休初老年觸事多成感
閒向芭蕉葉上書

文壁山在城內泮池東明正德中李尉滋運土成之
又有文壁塔三座鼎峙於右今僅存一明趙賢佐記
明陳鈇文壁穿雲詩禦兒城西山照屋禦兒城東

方輿路程考畧

卷

八

雲滿谷筆峯峭絕干紫霄瀉影寒潭漾清穀忽看五
彩出尊經三禮賦奏中書庭江南竹箭舊如許髦士
今來復楚楚長風吹動鴈行羣寫破青天看霞舉
桂山卽在文壁山北明倫堂後高五丈餘舊多桂樹
故名下爲桂山泉明靳一派桂山詩采藻章縫集
茲山夙有靈名高竇家樹瑞應月中馨堞抱吳雲白
天開越嶂青秋風正花發鵬翻起南溟
涵山在縣北三十六里錢林村縣志序說禾郡瀕海
有山萬峯高插石邑惟西北舍山一趾耳錢武肅王
微時嘗館於此後建錢林寺名寶林方丈地產佳李

迥異他處有紫粉青綃之譽山下有清白池水性清冽明沈宏涵山詩覽勝招携上碧岑更凭虛閣散幽襟步凌七級開香界語徹三生見佛心晴日倚欄天目近春風拂袖翠微深遊朋借擬東山興對酒清歌有白雲朱逢吉錢林李雪詩花滿錢林社景如嘉慶坊一天風不動十里雪生香鮫女鳴珠珮仙人下玉堂清遊喜相遇踏月看春光沈堯中清池月下對菊詩爲愛清暉好移尊坐月中光浮池畔色香送席間風夜靜蛩消寂天高鴈破空獨憐無靖節幽興與誰同

方輿路程考畧

卷

九

運河在縣西南自仁和德清東北流入縣界北流十八里經玉溪東流入秀水縣界東北抵京北閘文獻通考載崇德後晉時有運河明嘉靖中築城亘運河東卽此唐白居易想東遊詩海內時無事江南歲有秋生民皆樂業地主盡賢侯郊靜銷戎馬城高逼斗牛平河七百里沃壤二三州坐有湖山趣行無風浪憂食寧妨解纜寢不廢乘流昔東山興樓酌語溪在縣東南一里本名禦兒中涇又名語兒相傳西施飲溪水而變吳語也俗名沙渚塘運河水由此東流二十里入桐鄉界有語兒鄉卽古禦兒城也國

語勾踐之地北至禦兒越絕書有女陽亭者孟康曰
今吳南亭是古語溪賦市曰義和古之禦兒州曰崇
德今之語溪境接吳越道達京畿居湖之東鎮浙之
西闡闡星列樓觀雲齊運河一帶彩鷁交飛南北二
橋橫跨虹霓昔子男邦文恬武熙今開州治民繁而
滋唐徐凝語兒見月詩幾處天邊見月時經過草
市憶西施娟娟水宿初三夜曾伴蛾眉到語兒宋
黃幹語溪喜雨詩莫愁塵土厭天飛六月栽禾未是
遲待得麥麻收拾後通宵好雨定知時又雲霓天
外起層層畢月相隨徹夜橫費得天公能幾力數州

方輿路程考畧

卷

十

愁苦變歌聲 明王穉登語溪詩扁舟已載西施去
此地空留笑語名夜夜月從河浦照年年花傍野塘
生雲深笠澤人何處鹿走姑蘇意未平惟有漁歌猶
古調一蓑烟雨五湖情 又登禦兒城詩徙倚荒城
萬里思西風蕭颯不堪悲村連古渡山初斷日落中
原鳥去遲雙樹高僧聞喜跡千秋舊主越王臺愁來
今古蒼涼外獨立孤峯莽自馳 屠隆語溪漁棹詩
浩瀼語兒港峯巒寫煙狀冷風含疎樹落日生輕浪
高霞照水空漁舟坐天上 呂炯歸田詩吾本語溪
人稍嫻農家務桑麻蒼如林春深足蠶布 沈明臣

語溪舟次送友入楚詩以我浮吳日逢君作楚遊平
分江上雨添滿客中愁郢樹春如薺湘雲夜欲流早
須回遠棹莫待鴈聲秋 陳子龍語溪道中詩方舟
越嘉林繫彼川中路秀麥滋輕陰新苗浥微雨
白馬岡在縣西北六里宋高宗南渡夜憩崔府君廟
有神扶其首亟起時值金兵追躡神指白馬使乘之
遜行七百里至天曙王喜曰金人不吾及矣解馬飲
水視之乃泥馬也岡因以名

洲錢在縣西北二十七里其地週迴皆水形如錢布
故名宋時農人劬地得石刻乃唐長慶初李公明葬

方輿路程考畧

卷

十一

母於洲錢之陽內有螭尾平底牛一枚是知洲錢之
名甚古宋趙汝愚生於寺橋南之民舍因扁其里曰
生賢

傳貽書院在縣東北宋儒輔廣讀書之所廣得朱子
正傳故扁其堂文及翁記潛菴輔公隱語溪題讀書
之堂曰傳貽蓋以傳之先儒貽之後學爲已任著書
滿架至今語溪之人熏其德而善良不知凡幾祠而
奉之宜也 明張璠傳貽書院詩仕優講學闢崇基
經閣雲樓燦陸離地占青陽溪上勝人依白鹿洞中
規五星奎次還看聚泗水春風再借吹誰謂海濱鄒

魯遠武城中已得吾師

白社墩在瓜宅村宋末衛富益書院舊址富益嘗從

金履祥許謙遊有司交薦固辭不起創白社書院于石人涇集同志講道其中門人稱爲正節先生

椿桂堂在城內五桂坊宋莫元忠兄弟五人俱登進士故名後又作**足閒堂**寓塵外逍遙之意

宋范成大椿桂堂詩衣冠盛事今猶昔前說燕山後崇德聯

翩五組帶天香世上籬金賤如礫他年詩禮到雲臺

日日高堂稱壽杯桂長孫枝椿不老却比寶家應更好

陸竣足閒堂詩吾生固有涯寸心與天寬萬境

方輿路程考畧

卷

七

紛相求大智斯閒閒鳴珂語水東晏坐古道還爽塏

得郊墅槃槃謝家安觴詠日尋勝百金笑渠慳朝騶

杳不聞春夢過天關

友芳園在城隅明萬曆間呂炯爲泰興令以廉能稱

晚歸游息扁其園曰友芳 明郭子直友芳園詩城

角芳園戶半開長林倚杖獨徘徊當年抱甕人何在

此日看花客又來蔓草春深荒硯沼隣雞日暮上香

臺莫因今昔嗟興廢金谷平泉盡劫灰

資福院在西門外宋嘉祐間建元至元初改普門菴

明永樂中復今額內有平綠軒最爲幽勝 宋輔廣

平綠軒詩春風一凭欄秀色無高低山遙不作障水
近何妨堤 陳炳平綠軒詩水屋圍春綠雲岑送晚
青無心向朝市信步到禪扃野境連天遠疎鐘隔岸
聽杯行莫辭醉簷月笑人醒 陸德輿平綠軒詩帶
市人煙遠連村野色幽山從天際出水向檻前流茅
屋無端礙松醪有意留因懷陵谷感無語對沙鷗
蔡開平綠軒卽事詩瞰水地仍敞開窻路不迷良疇
連遠近秀色混高低曉起烟千樹春耕雨一犁道人
深樂此破衲且幽棲 莫若拙平綠軒詩結屋地猶
淺鈎簾景盡還嵐光烟樹外野色酒杯間別墅從渠

方輿路程考畧

卷

三

樂清吟屬我閒狎鷗時點白機事不相關

崇勝院在縣東三里晉開運初吳越陪臣徐顥捨宅
爲之名法華治平初改今額 宋莫若冲過崇勝院
詩首歲融春卜有秋曉行猶自索貂裘身閒暫脫微
官縛市隱何如此地幽一水相望三里近十年重到
片時留買田擬作終焉計真是飄然不繫舟

天清宮舊在縣治西南百步明季改建崇義橋河東
內有來雲軒極稱佳構 明杜庠來雲軒詩雲去雲
來無定踪忽隨野鶴忽隨龍鶴飛物外龍歸海斗室
天寬到處容

石門縣三里至包角堰橋

包角堰橋在縣南縣志卽南三里橋也宋莫若冲橋道記崇德南拱行都四達之邑也途雖曲而通諸夏近邑有包角堰橋塘西東水出入其下連雨則湍急址爲之蕩齧屢歎而屢修有清坡道民余智超哀金大輦石易以捲篷之勢可久而不可壞矣其南爲遊屯涇以吳王駐兵於此故名俗訛牛墩

包角堰橋三里至新橋

新橋在縣南一名大德新橋明宣德間沈璘建縣志塘右卽爲新橋涇

方輿路程考畧

卷

四

新橋三里至松老橋

松老橋縣志橫跨於塘明弘治中建至萬曆初重築松老橋九里至大茅橋

大茅橋在茅家涇縣志在塘之左自西南而至北者大茅橋九里至雙橋九里至五黃橋九里至落瓜橋

落瓜橋本名陸郭橋俗呼落瓜其地多徐姓耕讀爲業前代有徐介者隱居高尚長於詩文獨行君子也

落瓜橋六里至八角亭三里至塘棲鎮

塘棲鎮屬仁和縣地去杭城五十五里普同塔碑記迤武林而西曰棲水地當南北會河之孔道於浙江

實爲雄鎮戶口繁殖衣冠輻輳五穀百貨充牣其中
他鎮鮮有及者明王穉登過塘棲詩水澗雨冥冥
飛帆去不停人聲兩岸斷漁市一江腥雲已辭吳白
山如到越青侯生懷舊志千里憶玄經蘇東坡詩
通濟橋在塘棲鎮俗名長橋明嘉靖中副使邵銳昭
恩碑記此鄉去北新關五十餘里人習市道用謀厥
生先是司關者弗遠權弘治間始有濫征嘉靖初下
詔弛禁商民有賴于是刻石橋上俾來者有考焉
超山在塘棲鎮東北以其超然于臯亭黃鶴之外故
名山有石魚石筍他石多異形如人獸狀上有水旱

方輿路程考畧

卷

五

二龍洞因以爲鎮建黑龍王祠昔趙抃守杭時禱雨
輒應遂題其石崖曰海雲洞西南二里爲丁山下有
丁山河北半里爲龜山山有精舍宋趙抃海雲洞
詩縹緲齊雲閣遙聞磨石池物華春色裏人事樂無
涯羅綺一山遍旌旗十里隨花棚夾歸道飛驛看星
馳蘇舜欽晚泊龜山詩南灣晚泊一裴回小徑山
間佛寺開石勢向人森劍戟灘光和月瀉瓊瑰李
觀龜峯精舍詩去縣無多里路平時正春四山惟有
石一寺更無塵融結疑天意經營憶古人但知安樂
處何必是金身蘇東坡詩

三峯山在塘棲鎮南峯如品字各相去半里參差翠岫高下可觀有絳宇朱宮爲遊人賞玩處宋眞山民三峯寺詩寂寞煙林噪亂鴉青鞋步入野僧家雲深不礙鐘聲出日轉還移塔影斜廊下蝸黏訟砌蘚佛前蜂戀插瓶花竹牀紙帳清如水一枕松風聽煮茶趙抃三峯寺詩異縣久爲客窮途飽所更對牀雲伴宿曳杖月同行到處身如寄看山眼暫明平生飲中趣酒酸且頻傾

黃鶴山在塘棲鎮東南與臯亭山相望高三百餘丈寰宇記舊有黃鶴公名權者脩道於此山以人得名

也山巔有龍池石裂爲路深險不可迫視亦名龍洞山之腰有黃鶴仙洞外甚狹中可容數人窈而黑傳聞樵者焚松張火而入愈行愈遠疑有龍在焉下有留月泉宋僧道潛云但看黃鶴山頂雲化作白龍潭上雨句卽此其北爲橫山有橫山寺隱映喬松脩竹間其麓則櫻桃梅李皆雜植焉初夏時萬顆圓明紅潤可愛又東南有石姥山下爲珍珠塢以珍珠泉得名宋劉錡解兵柄退居山中故又名太師塢宋秦觀和孫莘老遊龍洞詩葦蕭傳火度冥冥乍入清都醉魄醒草隱月崖垂鳳尾風生陰穴帶龍腥壁間泉

貯千鍾碧門外天橫數尺青更欲杖筇留頃刻却疑
朝市已千齡西楊萬里橫山塔下詩六年三度過蘭
溪總是殘春首夏時最感橫山山上塔迎人東去送
人西西

臨平山在塘棲鎮東南平曠逶迤無崇岡脩嶺其巔
曰丘山以唐丘丹居此得名又名駝山則以形似也
上有龍洞水深莫測下有龍王祠及天井旱未嘗涸
又有黃犢嶺以丘丹有偶乘黃犢出之句而名曲竹
塢丘丹仙去棄杖塢中生竹皆曲細礪洞多產礪石
陶弘景名醫別錄越砥今細礪石也出臨平卽此洞

有宋人翼拱之題名明萬曆間郭紹孔刻祈年二字
於石上蓋以里人每四月八日於此占歲之豐歉也
又有石池相傳錢王磨劍處錦屏石一名積鐵崖在
安隱寺中寺當安平泉北麓石寺門爲池拾級直下
汲取不乾寺右爲藕花洲山之北麓有雨明石其石
色白天將雨則明如水晶俗謂之水晶石下爲東嶽
廟景星觀又下爲臨平湖吳赤烏十二年寶鼎見于
湖中吳郡志臨平湖邊得一石函孫皓以之改元天
璽故又名石函湖以在郡城東北與西湖相對亦名
東湖唐褚德量家於其上有讀書臺湖有四閘周十

餘里通海寧縣蓋唐宋時湖水直至山下南宋用爲
運道而中更有白龍潭之險今變爲桑田魚池矣
唐韋應物送丘員外還臨平山居詩長棲白雲表暫
訪高齋宿還辭郡邑喧歸汎松江綠結茅蒼嶺間伐
薪響深谷自是山中人不知來往躅 又送丘二十
二還臨平山居詩幽澗人夜汲深林鳥長啼還持郡
齋酒慰子霜露淒 張祜過臨平湖詩三月平湖草
欲齊綠楊分映入長堤田家起處烏龍吹酒客醒時
謝豹啼山檻正當蓮葉渚水塍新築稻秧畦人間謾
說多岐路咫尺神仙路欲迷 宋蘇軾憶臨平詩餘

方輿路程考畧

卷

六

杭門外葉飛秋尚欲居人挽去舟一別臨平山下路
五年雲夢澤南州淒涼楚些緣君發邂逅秦淮爲子
留寄謝西湖舊風月故應時許夢中遊 又安平泉
詩聞說山根別有源撥雲尋徑興飄然鑿開海眼知
何代種出菱花不計年烹茗僧誇甌泛雪煉丹人化
骨成仙當時陸羽空收拾遺却安平一道泉 僧道
潛臨平道中詩風蒲獵獵弄輕柔欲立蜻蜓不自由
五月臨平山下路藕花無數滿汀洲 汪藻過臨平
詩睡起涼生岸釣簾坐小窻麥風能起柁梅雨不鳴
江往事心長折歸途影自雙依然蒲柳地人老故先

降又過臨平詩天濶鳥雙下山寒人獨歸曉來何處雨春水半巖扉楊萬里泊舟臨平詩隔溪數間黃草屋繞屋千竿翠瓊竹三老鳴鉦艤柁樓今宵又向臨平宿又臨平蓮蕩詩蓮蕩層層鏡樣方春來嫩玉斬新黃角頭一一張蘆箔不遣魚蝦過別塘朝來採藕夕來漁水種菱荷岸種蘆寒浪落時分作蕩新流漲後合成湖呂紘黃犢詩疇昔聞高隱紅塵隔遠林閒乘黃犢出踏破白雲深元薩都刺過臨平詩昔人五月臨平路汀洲藕花滿無數此來三月過臨平雪白楊花捲波去楊花捲盡藕花開今人

方輿路程考畧

卷

九

古人俱到來欲向山陰尋賀老酒船到處且徘徊王冕過臨平詩舟過臨平後青山一點無大江吞兩浙平野入三吳逆旅愁聞鴈行庖只鱸風帆如借便明日到姑蘇張光弼過臨平詩舟過臨平欲住難藕花紅白水雲間只聞一霎溟濛雨不得分明看好山明郭紹孔曲竹塢詩擲杖神仙去叢篁獨擅奇根方虬頂曲梢學鳳毛披族豈來筇笻宗應行葛陂煙霞欣有濟扶老一枝隨丁養浩遊臨平山詩一聲山鳥催人起幾處佳賓作隊行直上山頭瞻北闕更於天際問滄瀛雲拖宿雨孤峯暝柳挾輕煙兩

岸清欲共坡仙吹玉笛還從陸羽問安平
蘇平與凌樂耕九日登高山歸途有感詩
九日登高興倍賒扁舟江上又還家
阜亭夜月孤村酒桐叩秋風兩岸
花

桐叩山在塘棲鎮東晉武帝時岸圻出石鼓擊之無聲詔問張華華對曰取蜀中桐木刻作魚形叩之則鳴如其言聲聞數里故以名山塘畔有石鼓亭石鼓湖山之北爲**佛日山**有佛日禪寺左有**渥洼池**泉水清冽宋王安石石鼓寺詩鯨海無風白日閒天門當面險難攀塵埃掉臂離長陌琴酒和雲入舊山仁

方輿路程考畧

卷

三

義未饒軒冕貴功名莫信鬼神慳郭東一點英雄氣時伴君心夜斗間蘇軾渥洼池詩東麓雲根露角牙細泉幽咽走金沙不堪土脈藏山骨未放蒼龍洗渥洼

金鼇山在塘棲鎮南一名獨山高二十餘丈周廻二里每晴出雲則雨雨出雲則晴里人以之占驗下瞰**橫溪**回環皆水榆柳森然夏日水瀾漫荷花芡花紅白相間翠綠相縈人家隱約於廻舟合浦之間桑畦禾畝遠近交映舟艇出没烟波渺茫儼如圖畫溪流達於新開運河宋蔡肇汎舟橫溪詩平野風烟入

夢思殷勤作畫更題詩扁舟臥聽溪塘雨恰遇江南歸鴈時

塘棲鎮十里至武林港

武林港水接城內諸河有壩壩上爲上塘河過水門經吳山水驛達清湖三閘至德勝橋與城東水合壩下爲下塘河通往來轉運

臯亭山在塘棲鎮東南高四百丈宋有崇善靈惠王

祠名半山廟桃花最盛延播十里間春二三月遊人載酒殺往來山下宴飲遠近婦女祈蠶報賽入半山祠清明時絡繹不絕未至西山之麓有古亭曰臯亭

方輿路程考畧

卷

三

蓋山之得名由此元丞相伯顏駐兵臯亭以待宋降卽在此處山半又有雲錦亭南宋建其南爲游龍潭高宗浣手于此亦名濯龍池時見蜿蜒出沒大石玲瓏水從石中出今謂之雨花泉俗名水甕山之陽爲青龍山高五十餘丈山脊蒼翠偃曲如龍東爲古城山相去數百步有石姥峯峙其西南宋韓世忠立將臺于其上山下周圍皆馳馬角藝之區也又西爲橫山舊志自臯亭而西蜿蜒盤曲盡于橫山之高不下百丈 宋敖陶孫臯亭山詩樵路縈迴入翠微清泉白石可忘機雲中犬吠劉安過樹杪春深謝豹歸

汪元量臯亭山詩錢唐江上雨初乾風入端門曙
色寒萬馬東來傳警蹕三宮南渡振鈴鑾 明劉維
禎臯亭看雪詩臯亭絕頂倚巒岈積雪空明夏亦寒
却向白雲深處望此中高臥有袁安 梁允植臯亭
看雪水調歌頭詞天上黃金闕我愛玉龍飛臯亭萬
古崖谷遙挂碧峯西翹首晴瀾四望尚有嵌空積雪
十丈映虹霓對酒更須飲日日醉如泥 拏舫艤擊
藜杖溯青溪沿流松竹幽人應許客忘機閒數南山
射虎一騎衝寒關塞歸路北風逃摩崖留姓氏丹蘚
拂毫題

方輿路程考畧

卷

三

武林港二十里至謝村

謝村在仁和縣北其西南爲長壽山延袤翠嶺其埠
曰延陵埠爲商賈停泊之所 宋楊萬里謝家灣詩
行盡牛蹊兔徑中忽逢平野四連空意隨白鷺一雙
去眼過青山千萬重近嶺已看看遠嶺連峯不愛愛
孤峯一丘一壑知何意疎盡官人著牧童

謝村六里至瓦窰頭六里至北新關

北新關在杭城北武林門外十里商旅輻輳民居繁
衍舊爲北新橋鎮明成化中設戶部分司駐此有北
新橋市又南有香積寺宋太平中重建舊名興福門

臨官河帆檣來往者十百千計秉燭猶喧茂林密蔭
隱然城市間樂國也 唐崔國輔杭州北郭詩秋近
萬物肅况當臨水時折花贈歸客離緒斷荷絲誰爲
江國永故人感在茲道存過北郭情極望東菑 明
高孟昇北關市詩北城晚集夜如林上國流傳直至
今青苧受風搖月影絳紗籠火照春陰樓前飲伴聯
遊袂湖上歸人散醉襟闐闐喧闐如晝日禁鐘未動
夜將深

北新關三里至江漲橋

江漲橋去杭城北八里跨官河東屬仁和西屬錢塘

方輿路程考畧

卷

三

明宣德間建 明劉維禎江橋遇雨詩山色空濛暮
雨時江橋遠眺更相宜漁舟競唱滄浪曲南北風來
只任吹 聶大年江橋遇雨臨江仙詞一葉漁舟吞
暮景夜來江漲平橋蒹葭兩岸響蕭蕭水村烟郭外
隱隱見歸樵 鴻鴈欲歸愁翅濕誰憐萬里雲霄空
濛山色望中遙鐘聲何處寺白鳥沒林腰 詩直空
妙行寺在江漲橋南宋徽宗時有僧思淨者姓喻畫
佛最工人稱喻彌陀遂棄家學佛捨宅爲寺以接待
雲水二十年間往來者三百萬衆故俗稱接待寺方
臘之亂思淨詣賊乞以一身代一城之命賊爲斂戢

明宣德間重建寺南爲望佛橋。明聶大年妙行寺詩妙行禪寺夾城隈穀雨乾時偶獨來一榻白雲松子落滿園黃蝶菜花開閒看物態陰晴變老被鐘聲旦暮催客有可人期不至步隨斜日下蒼苔

夾城巷在妙行寺南四達之衢市廛殷阜肩摩踵接吳越錢氏築城自秦望山由夾城東亘江干洎錢塘湖凡七十里卽此。明吳容夾城步月詩一片江門月因風落碧城傍簷纔數尺對酒忽三更星斗重樓墮關山此夜清更聞漁笛起浙瀝度秋聲。劉維禎夾城月夜詩烟散重城雉堞浮金波瑩淨碧空流因

方輿路程考畧

卷

十四

風夜泛湖中棹好似乘槎天漢遊。王洪夾城步月卜算子詞孤月泛江秋霜下高城靜期著佳人望不來坐轉梧桐影。吹徹紫鸞笙寶篆煙消鼎桂子飄香下廣寒銀漢雙星耿

半道紅在夾城巷南相傳舊時夾路栽桃故名俗訛爲半塘洪清湖上中下三閘洩城中諸河之水自東而北轉達東新橋德勝壩爲下塘河壩畔有石姥廟其神石瑰唐長慶間江濤爲患神竭家貲築隄捍之卒以身殉咸通中屢見靈異守臣上之封潮王故稱潮王廟通志嘉熙間加封顯德忠惠王。明劉維禎

半道紅詩地近桃源路可通紅霞灩灩綠煙中繁絃
急管遊人醉那不隄邊繫玉驄顧之瘡半道紅春
日詩金溝玉埒舊繁華半道春風數狹邪十二碧城
原似海一時齊發杜陵花聶大年半道紅臨江仙
詞記得武林門外路雨餘芳草蒙茸杏花深巷酒旗
風紫騮嘶過處隨意數殘紅有約玉人同載酒夕
陽歸路西東舞衫歌扇繡簾櫳昔遊成一夢試問賣
花翁

東西馬塍在半道紅南武林門西北以河分界並河
而東抵北關外爲東馬塍河之西上泥橋下泥橋至

方輿路程考畧

卷

五

西隱橋爲西馬塍錢王時畜馬于此至三萬餘匹號
曰馬海故以名塍土細敏樹杭城四時花卉於此出
焉名南花園北去十里爲板橋名北花園元外史張
雨結廬馬塍陳旅爲之記宋葉適遊馬塍詩馬塍
東西花十里錦雲繡霧參差起長安大車喧廣陌問
以馬塍人未識茶蘼縛籬金沙牆薜荔樓閣山茶房
亭花何啻千金值著價不到宜深藏青鞋翩翩烏鶴
袖巖房引前金蔣後隨綠摘藥煎冬酥小分移牀獻
春酒陳苗昔日曾弄兵此地寂寞少人行聖人有道
賁草木我輩栽花樂太平趙振文遊馬塍詩昔年

家住長安里春風盡日紅塵起紛紛車馬過綺陌買
花人多少人識王侯第宅連苑牆粲若瓊蓋敷丹房
花窠近取馬塍本曲欄高檻迷深藏主權對客小舉
袖擊鼓吹簫滿前後珍珠一斛聘國姝琥珀千杯酌
天酒幾年農器不鑄兵雨耕雲穫歌且行種花土腴
無水旱園租十倍田租平元張雨自詠馬塍新居
詩浮家泛宅意何如玉室金堂計未疎歸錦橋邊停
舫子散花灘上作樓居澹然到處自鑿井元晏閉門
方著書但得草堂資便足人間何地不樵漁張翥
題張外史馬塍新居詩窈窕丹房古澗阿長松修竹

遶層坡桃園隱者時相遇茆洞仙人夜或過沆漚杯
寒供曉食青冥笙響答空歌白雲浮出池痕滿知是
龍泓宿雨多薩都刺宿張雨馬塍新居詩竹樹忽
聞乾鵲噪明朝歸去候新晴小樓無處著秋意暗雨
空山如海聲葉落窻虛聞鶴步峰回路轉斷人行誰
知昨夜元洲客剪燭談詩到二更明劉維禎花圃
啼鶯詩柳暗花明曉欲迷傾都士女踏香泥流鶯不
管春愁入時向枝頭睨啾啼

天目山乃杭州祖山在郡城西北一百五十里山有
二目東接臨安縣西接於潛縣其入山之路則自江

漲橋西行五十里經餘杭塘取道徑山而達東目也
大藏洞淵集東目高二千丈西目高二千五百丈周
迴一百里名太微玄蓋洞天太平寰宇記山高三千
九百丈廣五百五十里水依山曲折東西巨源若兩
目然故曰天目明陳善天目山說東目則崔巍峻截
有重岡疊嶂之奇西目則起伏飛揚有龍翔鳳翥之
勢分青挾翠以萃止於錢塘萬山羅立環拱其下若
歸服之狀東天目山上有昭明峯去望天橋數百步
梁昭明太子始參禪處峯傍有太子菴遺像儼然再
上有鐘磬堂已廢猶時聞鐘磬聲其上峭壁屹立爲

將軍峯又上一里爲碎玉坡碎石成堆旭日耀之作
蒼碧色又上則瀑布泉高倚斷崖下臨絕澗自白龍
池瀉下望如足練建觀瀑亭於其側又有垂虹橋駕
兩峯間泉自峯頂瀉下如白虹倒飲過垂虹由石梯
而上古木森列中開數畝爲昭明禪寺寺內有千佛
閣銅佛千尊現金色相其西則洗硯池扁曰靈沼泉
出石竅清冽而甘相傳昭明臨泉洗目忽覺光明後
歷西山又以泉洗之兩眼並朗故莊號雙清併建廻
光菴云菴中有悟道松松頂平圓如蓋晉葛洪棲息
地也旁有煉丹池去廻光菴里許竹木環匝白雲時

護有棲雲殿名曰雲窩供磁大士一尊轉上有分經臺卽昭明分金剛經處行數里爲天仙峯則東目絕頂也度嶺而下自千佛閣轉東有黑驢菴相近爲白龍池乃徑山白龍讓地於欽禪師徙居此池池畔有臨溪菴上架飛橋四面皆危壁懸橋往返似飛渡者下有玉澗泉流出瀑布名曰玉澗飛橋外有寶珠峯圓淨秀媚彌望青林黃葉綴丹點碧如金珠粲然舊有夜光臺浮玉池相傳池內有玉浮出故其山又名浮玉云唐張萬頃經天目山下詩去歲離秦望今冬使楚關眼開天目水髮變海頭山于鵠瀑泉寺

方輿路程考畧

卷

天

詩日斜尋未遍古木寺高低粉壁猶遮嶺朱樓尚隔溪厨窻通澗鼠殿跡立山雞更有無人處明朝獨向西僧靈一雨後尋天目山問元駱二公溪路詩昨夜雲生天目東春山一雨幾回風林花併逐溪花下欲上龍門通不通元鄭玉題天目山詩勢壓東南萬象低溟濛空翠望中迷龍飛鳳舞川原秀地下天高日月齊明馮夢楨登天目山詩一徑排空遠應憐最上層參差峯翠立隱見海波興天逼風猶勁地寬雲更蒸鳥飛應不到長嘯對山僧又分經臺詩帝子分經處荒臺儼未傾三松寒作蓋千嶂鬱爲城

白日齊梁速浮雲旦暮生人當明月夜彷彿見吹笙
羅萬化天目山詩駿馬騰空碧玉浮白雲携我上
峯頭江遙百里煙波渺松護千巖翠靄稠觀瀑亭前
銀漢合迴光菴外紫虹收醉來夜臥依星斗絕勝乘
槎博望遊又瀑布泉詩千尺飛泉破碧空白雲堆
裏駕長虹此來莫惜躋攀力須信天關有路通李
應徵遊天目山詩夜宿昭明菴曉尋昭明寺精藍雖
一名巖壑倏已異陟磴觸昔遊俯險若夢墜白霧冒
層崖散作秋雨至靜忘飛瀑喧怪覺古松穉陰晴變
朝昏雲日互相遲樹密出徑難筇短到空易懸壁忽

方輿路程考畧

卷

完

斜傾絕頂尚孤離緬想繙經人精靈秘幽邃願言寫
夙心落葉響山吹又黑驢菴詩誰言山徑險下有
平溪路深林無猛虎莫自出山去又平溪菴詩誰
言溪流平飛橋在其下白雲從空生秋濤此中瀉
黃汝亨昭明禪寺詩丹梯高倚石峻嶒短屐銖衣怯
共登萬壑飛濤秋響切千峯沉靄暮烟凝張元怵
瀑布泉詩蒼崖千尺白雲垂噴雪驚人八月時却憶
年來觀瀑處匡廬天目兩稱奇陳繼儒咏天目松
詩此松天目孫嗟峨類其祖中頂秀擎雲猶堪坐巢
父安希范垂虹橋詩飛流萬丈界青葱疑決銀河

瀉碧空迸散寒光珠映日飄飄素影練含風靈源已
辦茗溪出遠勢應趨震澤中支策石梁看不厭呼童
携酒亂雲叢王亮大仙峯詩大仙峯頂足烟霞乘
興爭隨博望槎天到名山開兩目海當勝地獻千花
西黃鼎象千佛閣詩祇樹繽紛紫氣繁孰開此地給
孤園六朝舊迹殘碑在千頂金身畫閣存又鐘磬
堂詩蒸雲石壑作冰崖帝子開壇墮雨花日耀碧金
滄海湧風敲鐘磬赤城譚又悟道松詩孤根寄在
碧雲西曾說仙翁頂上棲聽偈還元枯翠苗清修入
定萬枝齊層陰峯自龍鱗出偃蓋雲從鶴影逃非悟

方輿路程考畧

卷

三

蒼江浮竹杖此心那得證菩提吳孺子題天目松
詩枝帶故山寒雨色根分新壤茯苓香舟中偃蓋童
童勢眼底凌雲寂寂芳沈朝煥洗硯池詩一勺寒
潭片月清誰知慧眼自分明我將青白看人世笑向
山僧歌濯纓

西天目山絕頂爲翔鳳林望日朝昇爛如赤瑛每雲
氣鬱然羣山盡失一望如海稍散得見峯尖若萍浮
海中或驟雨至雷電交作唯聞雲下若嬰兒聲東有
立玉亭縹緲天半其西有石柱二平直如削成有仙
緣石長短大小不可數計儼然鋸痕猶存有石菴在

最高峻處西南有石城高數丈玉桃古記昔獵人阻
雨石城見林中石桃一顆摘入手如水忽變紅甚熟
采葉裹之藏囊中下山捫之不失到家止存木葉矣
又西爲仙樂峯人跡罕到常從月白風清夜聞雲外
笙簫聲每積陰欲舒久晴欲雨至夜先聞空中絲竹
及旦或在峯尖或響巖谷鄉民樵者聽以爲候上有
仙池二旱澇不盈涸折而南爲雷神宅卽西方菴之
右也舊名無門菴轉而西望爲芝草巖昔有采藥者
見五色芝接長竿采之遂沒後數日復產二本皆翠
色遂不敢采至今隱見不常巖之下爲仙姑石相傳

徐五仙之妹于此成道冲雲而昇又有許邁宮遺址
又北爲圍棋石方廣數尺不生苔蘚又北爲幻住菴
其西有玉柱峯在中峯塔前地勢平坦忽起一石高
百丈古木亭亭產石罅中無寸土也有獅子巖崖石
雄踞狀如狻猊去巖里許爲獅子菴其相對者爲象
鼻峯以形似名前有千丈巖自上觀之莫測其底又
前爲香爐峯相近爲新婦石其軒然特立者爲望江
石高約百餘丈下銳上豐須編梯級乃可登進遙望
浙江如帶海門日上紅光耀目右爲雲封菴折而北
有仙壇相去十餘丈爲許真君禮斗處其半山之岡

曰鐘樓石高數十丈望之凝烟罨翠如樓閣然又南爲張公舍危壁峭立漢張道陵隱室也舍旁二百餘步爲石巷四圍聳拔石罅一徑深三十餘丈又百餘步爲石屋相傳爲五仙修煉處又南石門在半峯間東西各一自張公舍望之兩扉對峙有觀音巖上爲眠牛石卧石如牛下有眠牛亭其旁有鸚哥石翠色可愛有翠微巖翼然一亭曰依翠亭其雙石對立曰重峯峯之內爲響水巖步履者但聞水聲泠泠不絕有紫薇巖俗呼紫莫巖石皆玲瓏奇狀不一其麓爲長春塢唐徐凝望江石詩登巖皆山阿立石秋風

方輿路程考畧

卷

三

裏隱見浙江濤一尺東溝水宋蘇軾聞天目山上俯視雷雨如嬰兒聲詩已外浮名更外身區區雷雨若爲神山頭只作嬰兒語無限人間失箸人趙文昌西天目山詩天目山前分兩乳一脈西來傳右股溯流疑是武陵源入山絕似盤之阻椒巒隱隱入霄漢從此去天纔尺五飛泉滙作千丈潭下有蛟龍潛水府玉芝瑤草淨如拭不見塵寰一杯土元趙孟頫遊幻住菴詩禪居新結構斧斤未輟工雙閣出塵囂六窓自玲瓏久矣厭城市飄如脫樊籠妙香清鼻觀新鶯驚耳聾汲水插山花開牖納松風經聲出廊

廡寂然聞鼓鐘蔬食飯一飽亦與膏粱同 張雨寄
雍長老詩天目之山青岩堯道人縛屋青山椒白雲
出山不歸去春風吹老黃精苗 明劉基登獅子巖
詩落日下前峯輕烟出遠林雲霞媚餘姿松栢淡清
陰振策縱幽步披榛陟層岑槿花籬上明莎雞草間
吟涼風自西來颺颺吹我襟登高望四方悵焉愁思
深 高啓幻住精舍尋梅詩寒扉斜向竹間推此日
重來是幾回行遍松林僧不見慰人憐有一株梅
方澤西天目高峯塔院詩日中午見馴簷鳥雲外時
逢禮塔僧行道石邊紛異草挂衣松上綰長藤 錢

方輿路程考畧

卷

三

寬題斷崖詩倦遊東幻歸飛錫憑風力麾手招王倪
斷崖三萬尺 徐渭立玉亭詩山當崖畔孤亭立竹
樹廻環翠萬層倒看夕陽深澗底不知雲外有歸僧
馮夢禎天目山觀瀑布詩仙源不可見懸水鳴日
夕隱隱何轟轟直下數百尺 彭輅天目山對雪詩
煙林帶長岫雲暝雪爭飛倚樹浮瑤蘂看山失翠微
氷堅龍欲卧谷遠鳥常饑石壁孤僧在寒光上衲衣
許翊題無門菴詩院古僧寮寂雲寒人跡稀泉聲
飛鳥道山翠滴松扉紆徑轉深入孤亭坐不歸徘徊
獨吟眺殘日冷侵衣

徑山在天目山東北有徑通天目故名去餘杭縣治五十里高三千餘丈周回五十里東西二徑盤旋紆委飛磴而上各高十里許層巒峭壁聳秀環竒加以篁木陰森嵐扉杳幻登之者莫不訝其非人間世也最上曰承天祠今名興聖萬壽寺有碑係唐崔翰文歸登書石其峯五支圍繞寺外左曰宴坐峯右曰天顯峯後曰鵬搏峯前左曰朝陽峯前右曰堆珠峯寺門有宋蘇軾題聯云百萬松杉雙徑杳三千樓閣五峯寒庭間小井或云故龍湫也龍去湫存歲率一來雷雨暝曠鄉人禱祠焉由西峯之北數百步屹然巨

方輿路程考畧

卷

五

石屏張笏立上下左右可再十尺劃而三之若川字隸曰喝石巖竝巖被谷修竹森列佳茗叢生寺僧製茶笋餉客名聞四方自東徑而往坎窞爲池魚游曠空西徑東折平地如砥偃松一本其高丈許其蔭四之下有石泓激泉成沸甘白可愛偃松之南一目千里吳江之濤可挹越岫之桂可攀雲馭靄鸞狀類互出其上有御愛峯形如飛鳳偃伏於下宋高宗駐蹕歎賞因名又凌霄峯在十里之外勢特崇峻從五峯內望之不可得見也山中有龍池三上池在東崖下崖高五十仞上有平地數丈名拜斗壇石壁如門峭

立對峙以限水之出巨川汎濫則激而反趨於寧川
故山前無水患崖間有石如獅下瞰潭水登者據石
扳蘿而視毛髮聳慄中池在上池之下噴瀉如雷飛
濺崖壁下池接焉池周廻三十餘丈紺碧深邃幽沉
莫測三面皆駢石環繞南流入大溪至紫溪七十二
灘皆源本于此蓋不止茗雪之源也有龍王祠宋時
以禱雨而應賜額靈祐公廟巖下有滴乳居民採以
療病池東壁上有古銘曰列岳霞表羣峯霧裏翠滴
煙巒名不可紀下有石倉潭又有浮溪水潭潭水順
流西溪由至道宮曲折西至昭慶廟前爲弄珠池

方輿路程考畧

卷

三

宋蘇軾徑山紀遊詩衆峯來自天目山勢若駿馬奔
平川中途勒破千里足金鞍玉鐙相廻旋人言山住
水亦住下有萬古蛟龍淵道人天眼識王氣結茅宴
坐荒山巔精誠貫山石爲裂天女下試顏如蓮寒窻
暖足來撲朔夜鉢咒水降蜿蜒雪眉老人朝叩門願
爲弟子長參禪飛樓湧殿壓山谷朝鐘暮鼓驚龍眠
問龍乞水歸洗眼欲看細字消長年蘇轍和詩去
年渡江愛吳山忽忘蜀道輕秦川錢塘後到山最勝
下枕吳水相縈旋坐疑吳會無復有扁舟屢到凌深
淵今秋復到徑山寺勢壓衆嶺皆迷巔連峯杳嶂不

知數重重相抱如青蓮散爲雲霧翳星斗聚作潭井
藏蜿蜒欽公未到人絕迹千里受記來安禪至今傳
法破煩惱飽食過後宜安眠解裝投錫不復去藤鞋
竹杖聊窮年 晁無咎遊徑山詩盤崖繞壑步步高
僕痛馬乏遊人勞五峯崛起干雲霄衆山奔走爭來
朝我行直欲犯星杓意徹絕頂纔山腰松間鳥語如
我招仰見白塔當林梢擔携下上若桔槔路窮飛樓
鬱岩堯客來六月忘炎歊明月菴前醉松醪 僧道
潛遊徑山懷司馬才仲詩柔桑蔽野麥初齊布穀催
耕雨一犁畧約時橫溪上下薔薇間發水東西 范

方輿路程考畧

卷

五

成大凌霄峯詩峯頭非塵寰一舍誰所芟軒眉玉霄
近接指沙界豁萬山紛壘塊衆水渺聚沫來雲觸石
迴去鳥墮煙沒向無超俗緣茲路詎可越偕行木上
坐同我證解脫 林景熙贈天目吳君實詩詩興翩
翩度雪溪巖雲猶護舊留題夢回殘月蒼梧曉家在
春風秀麥西萱草堂深衣屢寄桃花觀冷酒重携故
山石鏡無人問空與寒猿照影啼 元鄭元祐送性
僧遊徑山詩憶昔茗溪登徑山童孩無識空躋攀但
見五峯削玉倚天外兼聞衆木夏樂下雲間振威何
人喝石裂行脚有僧挑月還神龍依禪井水立杜鵑

欽定方輿路程考畧卷

由京師至浙江省城水路 第二十三冊 杭州府上

江漲橋三里至杭州府武林驛

杭州府禹貢揚州之域禹巡會稽至此舍杭登陸地

始名杭少康時封庶子無餘於會稽以至禹祀因名

餘杭春秋為吳越地後屬楚秦置錢唐縣漢屬會稽

郡西部都尉治至陳為錢唐郡隋置杭州後仍為餘

杭郡唐復曰杭州五代時錢鏐建國於此宋仍曰餘

杭郡建炎初為行在升臨安府元改杭州路明仍改

府為浙江布政司治所今設駐防將軍鎮守附郭錢

方輿路程考畧

卷

一

塘縣秦置漢屬會稽隋為餘杭郡治唐為杭州府治

仁和縣漢錢唐縣地晉為錢唐鹽官二縣唐因之吳

越王割置錢江縣宋改仁和元明因之

御製示江南浙江守土諸臣詩

宇宙方清寧吏治尚端廉農使樂耕鑿民使適里閭大

寮總其要小吏毋苛纖紀綱不可弛隨時酌寬嚴為上

能自愛羣屬必畏鉗訟惟善得情操守時警砭勿恃才

妄作勿以媚自快務令比戶豐膏澤遠近霑朱轡與彤

騶萬姓所具瞻臧否道有碑防口難可箝不見廣厦材

聳幹從幽潛不見冲霄鶴飲啄本靜恬告誡示勉勗保

護茲庶黔

御製巡幸杭州詩

東南上郡古臨安親採風謠一省觀翠岫龍從猶舞鳳
羽旗簡約不鳴鑾春暉草木江山麗戶滿絃歌雨露寬
德化遠敷吾未信如何夾路萬聲懽

御製諭浙省將吏軍民詩

并序

朕自武林回鑾百姓擁道固請暫留慰諭遣之因詔諸
將吏務在調劑兵民共相輯睦息訟弭爭務本崇儉毋
專末業以滋游惰并賦斯篇

省方浙西東山川極遐矚茲晨當回鑾諄諄一相勗軍

方輿路程考畧

卷

二

民貴安和文武須聯屬息忿可無爭守分在忍辱日使
訟庭閒愚民免械梏奢侈尤當懲繁華莫恣欲儉乃保
其富素履各敦篤惟令教化興益見閭閻足諸吏宜勉
之期歸淳樸俗

御製閱浙江駐防將士射詩

羽林舊將分防重吳越名區古要疆講武正宜清晏日
人人自擅技穿楊

御製閱河之便奉

皇太后臨幸武林是日喜晴詩

雄城千雉帶江湖羽衛重臨氣象殊九有承歡逢勝日

御製

駐蹕杭州府詩

兩氣春林賦風光清麗至味香更

萬民擁戴滿亭衢時當豐歲人咸樂海不揚波澤遠濡
况是陽春布暄暖無邊韶景溢輿區
越境湖山秀文風天地成南臨控禹穴西枕俯蓬瀛容
與雙峯近徘徊數句盈民心多愛戴少慰始終情
梁吳均同柳吳興集送劉餘杭詩王孫重惜別置酒
峯之圻透迤川上草參差澗裏薇輕雲紉遠岫細雨
沐山衣簷端水禽息窻上野螢飛子隨綠波遠我逐
清風歸 唐岑參送盧郎中除杭州之任詩海雲迎
過楚江月引歸吳城底濤聲震樓頭蜃氣孤千家窺

方輿路程考畧

卷

三

驛舫五馬飲春湖柳色供詩用鶯聲送酒須 楊巨
源送章孝標歸杭州因寄白舍人詩曾過靈隱江邊
寺獨宿東樓看海門潮色銀河鋪碧落日光金柱出
紅盆不妨公事資高卧無限詩情要細論若訪郡人
徐孺子應須騎馬到沙村 元稹送王協律遊杭越
詩去去莫悽悽餘杭接會稽松門天竺寺花洞若耶
溪 白居易喜元微之官越與杭隣州詩郡樓對玩
千峯月江界平分兩岸春杭越風光詩酒至相看更
合是何人 又送姚合赴杭詩笙歌縹緲虛空裏風
月依稀夢想間且喜詩人重管領遙飛一醜賀江山

中又答客問杭州詩山名天竺惟青黛湖號錢塘瀉
綠油大屋簷多裝鴈齒小航船亦畫龍頭顧非熊
經杭州城詩郡郭繞江濱人家近白雲曉濤臨檻看
夜櫓隔城聞浦轉山初盡虹斜雨未分有誰知我意
心緒逐鷗羣溫庭筠錢塘詩錢塘岸上春如織淼
淼寒光帶曉色湖濱遊客馬連嘶碧草迷人歸不得
風飄客意如吹烟纖指殷勤傷鴈絃一曲堂堂紅燭
筵金鯨瀉酒如飛泉薛逢送劉郎中牧杭州詩一
州橫制浙江灣臺榭參差積翠間樓下潮迴滄海浪
枕邊雲起剡溪山吳江水色連隄濶越俗春聲隔岸
還聖代牧人無遠近好將能事濟清閒方干錢塘
旅舍偶成詩雲藏吳相廟樹引楚山禽潮落海人散
鐘遲秋寺深施肩吾春日錢塘雜興詩酒姥溪頭
柔嫋嫋錢塘郭外柳毵毵路逢隣婦遙相問小小如
今學養蠶儲嗣宗送顧陶歸錢塘詩水色西陵渡
松聲伍相祠聖朝思直諫不是挂冠時韓翃贈送
王少府歸杭詩歸舟一路轉青蘋更欲隨潮向富春
吳下陸機稱地主錢塘蘇小是鄉親葛花滿把能消
酒梔子同心好贈人早晚重過漁浦宿遙憐佳句篋
中新鄭谷登杭州城詩漠漠江天外登臨返照間

潮來無別浦木落見他山沙鳥晴飛遠漁人夜唱閒
歲窮歸未得心逐片帆還 宋趙抃武林卽事詩七
十隨緣豈有由樂天曾不厭杭州青山未隱如千里
白首重來又九秋月下仙人遺桂子海門神物助潮
頭自慚老守無心力坐鎮吾民靜卽休 又杭州上
元觀燈詩安排百戲無虛巷開闔重城不鎖門願以
民心祝堯舜衆星拱照北辰尊 歐陽修贈梅摯守
杭州詩萬室東南富且繁羨君風力有餘閒漁樵人
樂江湖外談笑詩成樽俎間日暖梨花催送酒天寒
桂子落空山郵筒不絕如飛翼莫惜新篇屢往還

方輿路程考畧

卷

五

王安石送張公赴辟杭州詩萬里相誇漆與丹笑歌
常在綺羅間綵衣春戲城邊水畫燭秋尋寺外山
黃庭堅憶錢塘舊遊詩薄宦飄然笑漫郎琴洲花草
弄幽芳莫教景物添春色轉覺山川是異鄉南北峯
巖空入夢短長亭舍自相望湖邊山寺清明後想見
蘭開稷水香 陳堯佐喜李度支至杭詩門前碧浪
家家海湖上青山寺寺雲松下玉琴邀鶴聽溪邊苔
石共僧分 陳造聞師文過錢塘詩海鮮常入筍雨
鵲定隨人椒酒須分歲江梅巧借春 謝翱錢塘晚
望詩錢塘江上夜潮過秋靜寒烟白露多吳越青山

明月裏舟人齊唱異鄉歌
元虞集送韓伯高浙西
僉憲詩五月樓船過大江
海風吹雨灑船窗雲消虹
蜺橫山澗潮落鼃鼃避石
砭闕下諫書誰第一濟南
名士舊無雙湖陰暑退多
魚鳥應勝愁吟對怒瀧
戴表元杭城風雨中簡子昂
詩五月錢塘風雨秋懷
人頻倚面山樓雲收樹色
遙成海水落江聲暗入溝
一斗盡輸無事飲千金不
買辟寒裘自憐寂寞無元
學車馬門前過似流
袁易杭州道中書懷詩白霧
籠舟楫青山失畫圖往來
迷咫尺收斂忽斯須野曠
連飛鶻江清映浴鳧還將
明媚色且復慰征途
尹

方輿路程考畧

卷

六

廷高古杭秋日詩飄泊乾坤老
炎涼歲月忙冥鴻旣
寥廓烟鷺亦滄浪江寺秋雲
白宮牆夕照黃凭欄無
限意一笑越山蒼
方瀾秋日錢塘紀事詩江流拍
岸澗海氣入城涼落日菰蒲
暗行人禾黍香
黃鎮
成咏錢塘詩雨過高城發屋
聲吳中暑退卽寒生晴
光入眼園林薄夜氣侵人
枕簟清寺鐸呼風宵自語
隣機織月曉猶鳴江湖處處
悲秋客起束歸裝不待
明
王逢錢塘春感詩紫罽駟車
從六龍盡隨仙曲
度青空蒼山樓閣梅林裏
赤羽旌麾野廟中百姓尚
傳周大賚成都元有漢遺風
流鶯不管傷春恨衝落

桃花滿樹紅 又周南風俗漢衣冠五色雲中憶駐
鑾瓔珞檜高藏白獸藥珠花發降文鸞河通織女機
絲濕雨歇巫娥翠黛寒滿地吳山誰寄慨一江春水
獨凭欄 劉詵送劉玉成之杭州詩錢塘之景天下
無我昔未遊知畫圖吳山欄檻神仙壺沙河燈火錦
繡衢四城翠翹上靈隱萬象畫舫遊西湖 吳景奎
憶錢塘詩湖山錦繡照青春烽火當時歲在辰文武
衣冠全盛日旄倪歌舞太平人金戈鐵馬消氛祲翠
閣朱樓靖戰塵賴有總戎雲鳥陳闕如虓虎捷如神
又西山雲氣三天竺東海潮聲八月秋聖代只今

方輿路程考畧

卷

七

文物盛名藩自古庶民稠 于石送人之武林詩十
里湖山留戰艦千年宮闕聽僧鐘潮生潮落東西浙
雲去雲來南北峯 僧善任錢塘阻雨詩滿目雲山
留我好一樓風雨見公難湖邊雪盡梅應早吳下春
遲麥尚寒 白珽餘杭四月詩四月餘杭道一晴生
意繁朱櫻青豆酒絲草白鵝村水滿船頭滑風輕袖
影翻幾家蠶事動寂寂畫關門 明劉基錢塘懷古
詩澤國繁華地前朝舊此都青山彌百粵白水入三
吳 宋濂送友之錢塘詩不見湖山已七年湖光山
色兩依然青鞋自踏芙蓉露畫槳誰衝翡翠烟目斷

蘇隄新柳外僧歸段岸舊峯前丁寧春勿堂堂去有
待重來醉管絃于謙夏日憶故鄉風景詩石榴樹
底紅巾蹙葡萄枝頭露香玉湘簾半捲日遲遲竹影
參差柳陰綠一從遊宦隔天涯馬首紅塵厭驅逐有
時飛夢繞錢塘此景依然在心目陶震送章彥德
遊錢塘詩錢塘之地何雄哉秀壓元圃超蓬萊大江
如龍天際起山從佛國西飛來雲間三百六十寺含
丹凝紫開樓臺湧金門前浪花白好峯兩點青如苔
張以寧送王伯純遊錢塘詩君去渡江春鶯花著
處新湖山有喜氣天壤見斯人殘雪明松嶺閒雲傍

方輿路程考畧

卷八

八

葛巾平生塵外意於此得天真朱夢炎錢塘詩萬
戶烟消一鏡空水光山色畫圖中瓊樓燕子家家酒
錦浪桃花岸岸風畫舫舞衣回暮景繡簾歌扇露春
紅蘇公隄上垂楊柳尚想重來試玉驄又吳越山
川勝概多彩雲樓觀鬱嵯峨晴嵐日照芙蓉影細柳
風生翡翠波楚客移舟時見問吳姬抱瑟肯相過片
帆明日東江去尚憶尊前對酒歌王穉登重遊武
林詩十年不踏西泠路此度重遊感曩時楊柳忽驚
枝盡老芙蓉應笑客來遲敲門月下僧猶在載酒亭
中鶴未知明日南屏山麓寺壁間還覓舊題詩

吳山杭之鎮山也在城西南春秋時爲吳南界因名吳山或以伍子胥故又曰伍山郡志稱胥山唐元和念刺史盧元輔有胥山銘蓋天目爲杭州諸山之宗結重脈於鳳凰山其支山左折遂爲吳山峭崿奇峯澄波靚浦迴環拱顧扶輿淑麗之氣鍾焉其陟山之徑爲密大井巷內有大井吳越時鑿山脈融液瑩潔殊常明詠初立碑吳山第一泉五字石磴盤曲而上有門曰登高覽勝元時所斲也昂首眺望則官司廨署衛鎮崇嚴闌闔街衢一城勝概皆歸目睫

御製吳山詩

方輿路程考畧

卷

九

左控長江右控湖萬家烟火滿康衢偶來絕頂憑虛望似向雲霄展畫圖

御製行宮雨中望吳山詩

檻外青山縱目收繁花初落葉新稠更教點染烟雲色添得牕前翠欲流

御製登吳山詩

重經層巘暫停鑿天日晴和覽眺寬城市萬家烟火近念茲莫遣有饑寒

宋朱子吳山高詩行盡吳山過越山白雲猶是幾重關若尋汗漫相期處更在孤鴻杳靄間
吳元楊載同

平章夔夔子山吳山晚眺詩山椒聳構四垂寬尚想
旌旗會覽觀旁近江湖天廣大上連星斗界清寒龍
宮永鎖函書闕鳳嶺重嗟苑樹殘此際獨無雲障日
正宜翹首望長安 薩都刺錢塘驛樓望吳山詩仙
居時復與僧隣簾幙人家紫翠分後嶺樓臺前嶺接
上方鐘鼓下方聞市聲到海迷紅霧花氣薰天成綵
雲宋代繁華如昨日滿街燈火月紛紛 呂夔登吳
山詩石磴巒岈擁地形縈江水檻接滄溟故宮衰草
經秋白近嶺繁松隔代青帆影亂飛春雨觀鴈聲遙
渡夕陽亭竹枝唱罷千山暮消盡人間幾醉醒 仇

方輿路程考畧

卷

十

遠題吳山觀月詩憑高宜晚更宜秋下馬歸來卽倚
樓納納乾坤雙老眼滔滔江漢一扁舟滿城明月空
吳苑隔岸青山認越州李白酒豪高適筆當時人物
總風流 貢性之吳山遊女詩十八姑兒淺淡妝春
來初試柳芽黃三三五五東風裏去上吳山答願香
明孫一元吳山望潮詩獨倚危岑岸接灘晚潮初
上練痕齊亂搗鼉鼓妖蛟舞倒捲銀山海日低弓弩
千年人去後帆檣萬里望中迷憑誰喚起眉山老爲
誦錢王廟裏題 張宇初望吳山詩吳越遊程孰溪
平驛路分夕陽回浦樹秋色滿湖雲曲淑船孤棹淩

風鴈獨聞浣花茅屋小別思夢紛紛僧妙聲吳山
曉行詩草露泠泠著屐行野橋村巷不知名長庚如
李天將曙始聽荒雞第一聲僧法聚吳山秋望詩
子胥廟前江日晡越王城頭雲有無故宮臺榭幾黃
葉南渡寢園今綠蕪長笛關山瞻北固清樽魚鳥傍
西湖蕭蕭落木蒼郊外幾處寒烟破屋孤示資不
忠清廟在吳山上唐景福二年封吳伍員爲廣惠侯
立祠祀之宋大中祥符間改今額宋王禹偁忠清
廟詩朝驅下越坂夕飯當吳門停車訪古蹟靄靄林
烟昏青上海上來勢若游龍奔星臨牛斗域氣與東

方輿路程考畧

卷

十一

南吞九折排怒濤吐吸天地根落日見海色長風捲
浮雲山椒載遺祠興廢今猶存殘香弔木客倒樹哀
清猿我來肅瞻拜重此英烈魂王安石忠清廟銘
胥山之巔殿屋渠渠千載之祠如祠之初孰作新之
民歡而趨惟忠肆懷惟孝肆孚我銘祠庭示後不誣
明方行登子胥廟因觀錢塘江湖詩吳越中分兩
岸開怒濤千古響奔雷子胥不作忠臣歿勾踐終非
霸王材歲月消磨人自老江山壯麗我重來鳴夷鐵
箭俱安在目斷洪波萬里回海會寺在忠清廟右吳
越王建卽石佛智果院也海會之右爲東嶽觀宋大

觀中建觀額乃理宗御書其旁有神霄雷院明時所
構嶽祠之南爲玉德觀宋紹興間建以祀太歲十一
曜者也舊有神御殿渾儀臺在觀側元又築星宿閣
每歲奉勾芒之神忠清之南爲江東廟折而西爲惠
應廟內塑神農氏像兩廡繪二十四仙醫故亦稱藥
王廟其左有水神祠聳峙於側宋程俱海會寺詩
萬杉堆青沒山骨雲埋七峰時出沒飛泉拂石瀉哀
湍下有萬古蛟龍窟千山脈理漬清甘一罇涓涓流
石液同遊况與惠詢輩納屐振衣何勃窣大門當前
新築道跨水曲欄欹突兀春鳴軋軋趁朝炊水叻懸

方輿路程考畧

卷

三

流機械發摺筇對此自三歎抱甕老人長搨搨承天
靈應廟在忠清廟西奉太上三元像內有天開圖畫
閣聳倚清輝亭畔其下爲關帝廟元吳訥登吳山
題承天觀詩滿目盡樓臺路從山頂來潮生沙岸沒
雲破海門開官舍籠鵝去道人騎鶴回題詩向何處
石壁掃蒼苔又宿承天觀用楊維禎韻詩承天觀
裏開圖畫吳越山川一覽中半夜月明湖水白五更
日出海門紅綵船春晚笙歌歇粉堞風高鼓角雄十
二欄杆都倚遍歸心飛過大江東又東軒詩孤客
憑危正惘然江南春盡落花天海門黑送千艘雨城

郭青炊萬竈煙燒藥金爐猶伏火射潮鐵箭久離絃
伍員白馬今何在幾處荒臺野鹿眠張雨清暉亭
詩萬瓦連雲人世罕一竿出日海波紅欲窺倒影青
冥外故著危亭紫翠中戴良遊承天觀詩石徑趨
巍宮雲薨俯層壁昔聞帝子遊今見羽人宅離離越
樹青渺渺海門白東風遲來潮倚月候歸汝明劉
基承天觀詩吳山頂上承天觀玉牒金符鎮地靈百
尺樓臺依斗極九霄風露出牕櫺江聲洶湧蛟龍窟
雲氣虛無翡翠屏見說蓬萊恰相對仙凡只在隔滄
溟

金地山在吳山東面上有城隍廟人因稱爲城隍

方輿路程考畧

卷

三

山廟爲宋建明永樂間祠按察使周新於廟中自廟
西南行爲**文昌祠**又有**火德星君廟**廟前爲十二峰
平地突起奇幻絕倫明董其昌書坎離既濟額宋
陳造金地山寺詩側徑崎嶇去飛蘿次第捫山橫欲
無地路轉恰逢村竹柏圍荒寺莓苔上繚垣殘僧不
知客芋火老雲根昔元錢惟善登吳山城隍廟詩偶
向吳山高處望淒涼猶自覺繁華百年香火祠神宇
三月笙歌賣酒家渺渺風帆來海島冥冥江樹接煙
沙倚欄貪看西湖上古木荒城日又斜

瑞石山在吳山南相傳張紫陽真人修真於此故又

名紫陽山秀石玲瓏寒泉涓瀝巖竇窳窳空翠撲肌
湖山奧區罕與倫比山有峰曰橐駝峰形勢峭削其
側有紫陽洞刻紫陽洞天四大字於石又有雪風洞
曲徑谿訝清幽徹骨元張寧留題瑞石山房詩風
定雲間四壁虛萬峰深鎖地仙居自疑秦帝停車處
人說媧皇補鍊餘夜靜龍光穿戶牖春深鍾乳落庭
除令威去後元關閉猶有山靈守故廬又紫陽洞
詩石級參差挂薜蘿洞門深敞野人過霜林葉盡羣
峰出風岫烟開夕照多誰躡白雲尋鶴蛻自摩蒼翠
寫樵歌登臨日少歸期促白髮青山奈老何薩都

方輿路程考畧

卷

十四

刺登橐駝峰詩天風吹我登駝峰大山小山石玲瓏
赤霞日射紫瑪瑙白露下滴青芙蓉飄飄雲氣穿石
屋石上涼風吹紫竹挂冠何日賦歸來煮石篝燈洞
中宿紫陽菴在瑞石山上元至元間建道士丁野鶴
挈妻王守素棄家全真同居於此元薩都刺紫陽
菴道士詩不見遼東丁令威舊遊城郭昔人非鏡中
人去青鸞老華表山空白鶴歸石竹淚乾斑雨在玉
簫聲斷綵雲飛洞門花落無人在獨坐蒼苔補道衣
野鶴降乩憶舊感懷詩青山一帶白雲飛花落無
言鳥自啼目際江波煙半鎖彎環碧嶂草萋萋鎮海

樓在瑞石山東麓舊名朝天門吳越王創建疊石高四仞有四尺東西五十六步南北半之中爲通道橫架交梁承以藻井牙柱壁立東西閔門對闕可容兵士百許樓高六仞有四尺貯鐘鼓以司漏刻元至正間改爲拱北樓明時築玉虛望江二樓與此樓相望山之巔亭觀參差迴非人境善元趙孟頫同慶童丞相上拱北樓詩城上高樓接太霞令嚴鐘鼓寂無譁提疆內向三千里比屋同封百萬家心在江湖存魏闕身隨牛斗泛仙槎舉頭便覺長安近時倚欄杆望日華揚載拱北樓詩震地鼓鼙迎日出倚天梁棟

傍雲浮北瞻帝闕三千里南控臣藩二百州江海無波沉巨象旌旗垂野駐貔貅鸞迴麗榜多深意繡衮於今有魏牟高得賜拱北樓詩天府南來第一州胥山東起最高樓水分兩浙趨都會地接三吳控上游雲外鼓鼙嚴夜禁城中車蓋樂春遊玉堂政暇新題扁彩筆飛光射斗牛明孫一元拱北樓詩天上輕雲散女婢樓前狂客獨支頤江當夕照半添色詩與秋山兩鬪奇木葉無言時序暮塵寰多事杖藜知只應又被漁郎喚雨細風斜歸去遲

寶月山

在吳山北正對藩署迤邐而東爲蛾眉山

有蛾眉菴其界於寶月蛾眉兩山之際蜿蜒而來若龍之吐舌者爲龍石墩又東爲淺山有青霞洞奇石錯峙如青霞然迤北爲竹園山宋府尹趙與憲建閣其上平瞰西湖曰竹山閣理宗書額其下爲寶蓮山寶蓮寺重陽菴在焉菴後有青衣洞洞口爲青衣泉崖壁間徧鑄佛像及心經又下爲石佛山有大乘石佛寺宋嘉熙間曾鑿石爲佛在寶成院中蘇軾有賞牡丹詩鐫于石壁軾詩春風小院卻來時壁間惟見使君詩應問使君何處去憑君說與春風知年年歲歲何窮已花似去年人老矣去年崔護若重來前

度劉郎在千里 明吳良青衣洞天詩玉洞深沉杳未通洞門深鎖玉玲瓏青衣童子留遺跡白髮仙人闡道風夜月龍歸雲寶冷春花落石壇空休官幾遍來登眺欲問丹成九轉功螺峰在寶月山上亦名螺螭山以山徑盤曲而上故名當吳山腰半高不迂風低不障景拾級望湖猶倚翠屏而臨明鏡也又北爲鐵冶嶺嶺西有土阜爲元楊維禎讀書處又北爲郭璞井俗稱郭婆井此自吳山脅尾而北垂者也元葉居仲寄鐵崖詩聞道西湖載酒還飛瓊弱翠擁歸鞍可無私夢登金馬刺有春聲到玉鑿異地頓消

鄉井念小堂新作畫圖看野人未納彭宣履獨向清
溪把釣竿風香巖蒼華谷巖因由問也來又白
寶山在吳山西南與石佛相接卽淺山支隴也有施
公廟祀宋施全乃岳氏部將又有廣潤寺明改報功
祠其巔寶奎寺奇石峭拔東望海門如在咫尺石壁
上刻宋理宗書見滄二字試宋蘇軾同秦仲子遊
寶山詩平明已報百吏散半日來陪二子閒立鵲低
昂烟雨裏行人出沒樹林間又寶山新徑詩藤梢
橘刺元無路竹杖棕鞋不用扶風自遠來聞笑語水
分流處見江湖回觀佛國青螺髻遍踏仙人碧玉壺

方輿路程考畧

卷

七

野客歸時山月上棠梨葉戰隳禽呼元妙觀在寶山
上本唐紫極宮南宋名天慶觀元改今額中有蕉花
一株呂仙曾題詩于壁池曰蕉池井曰子午井每夜
半日中水平井口故名有唐李邕舊碑其字駁蝕各
爲蜥蜴碑有四賢祠明嘉靖間建祀吳伍員唐褚遂
良宋岳飛明于謙又有真聖觀唐時所建吳越改爲
老君廟明重葺祠觀之間爲普光菴吳液泉在焉
呂仙題真聖觀蕉葉詩午夜君山玩月回西鄰小圃
碧蓮開天風香霧蒼華冷名籍因由問汝來 又白
雪花鉛立聖胎美金花要十分開好同子往瀛洲看

雲在青霄鶴未來 元張翥元妙觀詩遠別仙人黃
石翁一龕燈火鎖祠宮青衣洞僻荒臺雨白馬山寒
古木風金鼎空歌聲渺渺蒲團宴坐息濛濛不知巖
客重來否零落蕉花石沼中 吳全節元妙觀詩榴
皮書壁走龍蛇池上芭蕉又見花北闕恩承新雨露
西湖光動舊烟霞春風日長元都樹秋水星回碧漢
槎修月功成三萬戶藥珠宮裏誦南華 吳尚伯元
妙觀詩吳山宮闕碧龍從歸去還棲第幾峰身上衣
如華表鶴手中筇是葛陂龍題詩常見仙人過採藥
惟應海客逢聞有著書藏石室何年爲啓白雲封

歐陽元功元妙觀詩水國飛符驅海鱷雲房解榻聽
天雞月中桂子吹香送池上蕉花與屋齊 葉明誠
元妙觀詩黃石山人白玉冠手持千歲青琅玕吐吞
日月修內景呼吸風雷來戒壇蕉池春漲烟霧濕松
几仙筆蛟龍蟠天香滿袖騎鶴去雞犬夜夜聞雲端
揭侯斯元妙觀詩誰道錢唐非昔日神宮仙館參
差出天慶已開元妙門桃花猶結千年實永昌門外
浙江潮趁潮暮暮復朝朝仙人一去不可招蓬萊那
得駕虹橋 明祝允明元妙道院詩枕席錢塘館更
時未北還每當身作客轉覺意能閒雨氣橫秋海潮

聲入夜山道人看默坐應笑髯毛斑
七寶山在吳山東南舊有櫻桃園相傳韓侂胄故宅
也上有通元觀宋紹興間建高宗御書觀額石欄竹
徑山多古木幽篁蔽天赤日無暑內有萬玉軒望鶴
亭壽域樓謁斗臺白鶴泉鹿泉諸勝高宗賜鹿泉
真人詩太白龍從東南馳衆嶺環合青紛披烟雲厚
薄皆可愛木石疎密自相宜陽春已歸鳥語樂溪水
不動魚行遲生民無不得處所與茲魚鳥偕熙熙
元虞集通元觀詩仙壇遙接上真宮楚越閩洋一望
中南北高峰雲杳靄東西天日雨溟濛金輪旋動仙

方輿路程考畧

卷

元

音作樓閣縈迴複道通雲鶴仙人無定跡颺輪時轉
望三峰張翥通元觀詩羽蓋翩翩下九重江鄉秋
晚滯仙踪信傳真府憑青鳥劍舞瑤臺走碧龍頃刻
風雲興五嶽須臾雨澤慰三農慙歎欲問參同契雙
鳥遄飛未易從趙孟頫登望鶴亭詩上有白鶴翔
下有幽人居幽人道當成白鶴來不虛明李旻題
萬玉軒詩雲軒四面琅玕遶半畝翠陰誰爲掃六月
涼生暑不收一天雨過秋先到胡世寧謁斗臺詩
白石層臺俯翠微道人曾此振霞衣招搖午夜朝華
蓋元武中宵麗羽旗隱隱步虛雲外度琅琅仙吹世

間稀月明拜罷鐘聲動驚起亭前彩鳳飛豐道生
題白鶴泉詩吳峰有孤鶴千年集珠林清唳九霄上
徘徊一線深風雷隨叱咤水月映冲襟余亦緱山侶
還來共撫琴寶嚴院在七寶山上爲雲禪師趺坐處
其側曰廣嚴院雙竹甚奇透枯樹腹中自其頂出森
然竝竦又宋建開寶仁王寺以居慧照禪師內有橫
山閣其下爲寶蓮池明改關帝廟簷下有寶蓮井
宋司馬光雙竹詩修斨標枯腹青青凡幾霜龍騰雙
角直鯨噴兩鬚長旣欲尋支遁安能問辟疆屢來非
別意不與此君忘蘇軾寶岩院垂雲亭詩惜哉垂

方輿路程考畧

卷

二

雲軒此地得何晚天工爭向背詩眼巧增損路窮朱
欄出山破石壁狠海門浸坤軸湖尾抱雲巘葱蔥城
郭麗淡淡烟村遠紛紛烏鵲去一一漁樵返雄觀快
新獲微景收昔遁道人真古人嘯詠供嵇阮空齋臥
蒲褐芒屨每自拈天憐詩人窮乞與供詩本元薩
都刺仁王寺詩千尺青蓮座烟霞擁地靈山川幾輻
展日月兩浮萍鳥度天垂海龍歸水在瓶深堂說法
處應有石頭聽七寶峰在吳山正南登其巔則俯瞰
江海如列几案間爲城中觀潮最勝處刻吳山第一
峰五大字于左壁有三茅寧壽觀奉三茅真君宋紹

興間賜軒轅鏡漢鼎唐鐘玉靶劍七寶數珠吳道子
星君像褚遂良陰符經名爲七寶永鎮觀中明改吳
天寶閣棟宇翬飛金碧騰煥觀旁有三仙閣塑明初
張三丰坐臥立三像於閣上峰東爲寶蓮山有寶蓮
寺又東爲清平山蓋與城外鳳凰山趾相接也有開
元寺烟霞閣在兩山間元張寧三茅觀詩曾記茅
君觀裏遊東風花鳥醉淹留丹丘歲晏羽人老碧草
時芳蕙晚秋村郭半山雲不斷江湖夾地水通流無
端恰似催詩雨吟得悲風滿樹頭又水光山色雜
烟飛綠漾清浮碧四圍籬菊著霜人釀酒江風吹雨

方輿路程考畧

卷

三

客催衣閒中宴會時非偶老去交遊日漸稀安得良
工圖畫去看日月聚巖扉明胡濙訪張三丰詩
交情久矣念離羣獨向山中禮白雲龍送雨來留客
住鹿銜花至與僧分疎星上竹昏時見流水鳴琴靜
夜聞却憶故人長隱去題詩誰似鮑參軍雲居山在
七寶峰西南西面聖湖南倚楓林有雲居聖水寺元
僧中峰住錫于此趙孟頫奉勅建碑題額所著有中
峰廣錄三十卷揭傒斯爲之序嘗製梅花詩百首盛
傳於世雲居東南爲大觀臺方面四削高出衆山近
西卽楓嶺也秋葉經霜丹林曜日光熒千樹艷奪三

春雲居之東爲上方寺寺背峭石聳出下有風洞颯
颯忘暑洞間小泉滴瀝名一滴泉石壁上有宋錢勰
江公著柳鰓諸人題名前人曾記其迹云題名隱顯
錢江柳彈指興衰現去來鏗爾磬聲留木末飄然帆
影過江隈上方聖水東西竝列嶺之中腰乃鳳山南
來過峽也旁有石犀牛天然成就頭角分明如同顧
之狀唐白居易遊雲居寺詩亂峰深處雲居路共
踏花行獨惜春勝地本來無定主大都山屬愛山人
半元張翥秋日遊聖水寺詩高處見滄溟西風吹酒
醒潮來一片白山擁萬重青草木如浮動烟塵忽杳

方輿路程考畧

卷

三

冥登臨不可極吟思滿秋汀 張寧登雲居絕頂詩
半村半郭吳山路輕煖輕寒上已天梅影過城湖曲
寺櫓聲歸浦浙東泉舊遊詩酒添新客今日風光似
去年清賞未闌幽思發亂峰斜日起叢烟雲中峰梅
花詩玉簫起處暗驚神曲緩瑤臺逸韻真泉石幾年
雲伴鶴關山萬里月隨人香凝老樹調和氣影落寒
牕枕隙塵檀板金樽久岑寂微吟不減昔時春又
水中仙子鏡中神夜夜相携入夢真隴鴈哀殘埋玉
地朔風吹老弄蟾人寒添壩上雙眉凍愁壓江南幾
屐塵雪裏不嫌情味苦一枝占斷九州春 明夏原

吉聖水寺詩誰闢雲居境峩峩瞰古城西湖暗送碧
上竺曉分青經鎖千函妙鐘鳴萬戶聲此中真可樂
何必訪蓬瀛俞起蛟登雲居山絕頂看紅葉詩我
行事幽賞偶然欣所適空山寂無人烟景迷雲石楓
林醉斜醺寒飈已向夕振衣絕頂上俯見月華白蕭
蕭落葉多散步山林側歸臥望層巒秋光滿几席山
武林山在城北武林門內土阜坡陀高可三丈廣不
滿百步宋楊至質記錢氏有國時此山篔在郭外叢
薄蒙密異虎出焉故名虎林吳音承訛傳虎爲武葉
紹翁四朝聞見錄虎林卽靈隱山因避唐諱改爲武

方輿路程考畧

卷

三

林淳佑志謂漢志舊載武林山爲武林水所出決非
城內之山且自漢已名武林亦非避唐諱而爲武蓋
此坡爲城中勝地或者自寓武林之名於此其上有
壽聖寺舊名長壽在東青門外明初移建內有大井
合抱銀杏皆宋物也俗稱祖山寺宋樓鑰武林山
詩武林山出武林水靈隱後山母乃是此山亦復用
此名細考其來真有以從來有龍必有珠此雖培塿
千山餘董元成廷珪武林客舍詩牕外青山啼子規
吟魂正被酒禁持小樓一夜雨聲惡落盡碧桃人未
知聖水寺詩誰闢雲居境峩峩瞰古城西湖暗送碧

中運河在望仙橋下南出鳳山門通江干北出武林門至上塘壩其水自西湖來逆流南上西小河在中運河西亦接湖水南至保祐橋與中運河合東大河在中河之東其水自候潮門外繞城入清泰門北流艮山門外至下塘壩在西河以西爲織造將軍二府又北爲按察司中河東南爲督撫二院其北則鄉試貢院也

前沙河在郡城東上通東河北流入仁和鹽塲諸處宋蘇軾濬湯村運鹽河于此河上有水陸寺內銀杏二株盤根葱鬱乃宋時所植軾雨中督濬詩鹽事

方輿路程考畧

卷

三

星火急誰能恤農耕天雨助官政泣然淋衣纓又水陸寺詩草沒河隄雨暗村寺藏修竹不知門拾薪煑藥憐僧病掃地焚香淨客魂戴復古水陸寺詩四水面光合一邊山影來靜分僧榻坐晚趁釣船回褚家塘在城東北向有茅山河塘唐褚遂良居此遂良爲諫官高宗將立武后力諫不納叩頭流血貶愛州刺史鄉人建昭忠祠於塘上因以褚家各塘其九世孫載身後顯靈一日降筆云上帝以吾忠臣後裔生平正直得以廟食瓊花舊園士民因立通聖廟白龜池在城東北錢塘門內袤廣畝許底通西湖唐

李泌所鑿元仇遠卜居其上詩遠詩一琴一鶴小生
涯陋巷深居幾歲華爲愛西湖來卜隱却憐東野又
移家荒城雨滑難騎馬小市天明已賣花阿姆抱孫
閒指點疎林盡處是棲霞外具不具民華影

環翠池在城西清波門內今藩署中其地清敞而東
南一角有方池池環垂柳綠蔭參差春夏尤勝古樹
四五株大根輪囷蒼皮剝蝕蓋數百年物也汲古泉
乃法慧寺舊井在善俗里之南南宋時爲太常寺昭
勳崇德閣繪趙普曹彬等二十四人從祀太廟者其
泉又名觀音泉宋嘉泰初立石云此泉清甘雖旱不

方輿路程考畧

卷

五

竭相傳飲之疾愈今歸布政司內

湧金池在城西湧金門內有金華將軍廟其神曹杲
者任吳越嘗卽城隅浚三池引湖水入城以便舟楫
文穆王元瓘書三大字刻石池上郡人立祠祀之
宋楊蟠題湧金池詩湧金春色曉吹落碧桃花一片
何人待流經十萬家門郭祥正湧金池上詩衆沼皆
涵壁斯池獨湧金寶光終夜見不是月華深 元方
回登湧金門城樓詩蕭條垂柳映枯荷金碧樓空水
鳥過畧剩繁華猶好在細看冷淡奈愁何遙知隄上
遊人少漸覺城中曠地多廻首太平三百載錢王納

土免干戈成廷珪送人之武林詩白鼻驕駟紫綺
裘湧金門外醉瀛洲君家若有平安字寄在春風第
幾樓貢性之春日湧金門見柳詩湧金門外柳垂
金三日不來成綠陰折取一枝入城去使人知道已
春深書器書出水京載于禁中與陶淵明去惠帝

鳳山門在城南俗稱正陽門杭城規畫創于隋楊素
至吳越時爲門十有三宋因之嘉會門在東南明省
門爲十其在東曰候潮門清泰門慶春門其在西曰
清波門湧金門錢塘門其在北曰武林門而鳳山門
則在正南也宋嘉會門之內爲和寧門有學士院號

方輿路程考畧

卷

三

稱玉堂唐白居易登城上詩城上蓼蓼鼓朝衙復
晚衙爲君慵不出落盡繞城花宋王仲衡學士院
詩玉堂晝永暑風微簸簸飛花落小池徙倚曲欄憑
問訊夏鶯飛出萬年枝宋因之嘉會門五東南也
祕書省在城西南清波門內宋時所建以藏御著信
史古書籒器者也汴京建于禁中紹興初寓法惠寺
至十三年始建于此內有右文殿祕閣國史院道山
堂渾儀臺著作之庭淳熙間孝宗臨幸爲賜詩焉
孝宗臨幸祕書省詩玉軸牙籤煥寶章簪紳侍列映
秋光宴開雲閣儒風盛坐對蓬山逸興長稽古右文

慚菲德禮賢下士法前王欲臻至治觀熙洽更罄嘉猷爲贊襄 呂祖謙和韻詩麟閣龍旂日月章興朝再見赭袍光仰觀焜耀人文盛始識扶持德意長功利從今卑管晏浮華自昔陋盧王願將實學酬天造敢效明河織女襄 又紫清丹極與天隣闔闢乾坤仰聖神獨爲斯文回一顧坐令我道重千鈞前王舊物參差見列辟明謨次第陳墨客區區感榮遇豈知深意在彝倫

二仙巷在城南壽安坊西元時廬陵人張光弼爲浙江左司員外郎罷居花市遨遊湖山經月不返有詩

方輿路程考畧

卷

七

名于時 光弼自題詩但教懷抱能傾倒莫向尊罍計有無不爲訪僧三竺寺肯乘烟艇過西湖 胡虛白過二仙巷詩二仙坊裏張員外頭白相逢只論詩 今日過門人不見小橋春雨燕歸遲 開元宮在城南鳳山門內清湖橋西射圃之北唐開元中建宋理宗時爲端孝公主第尋改明離殿以奉熒惑神星元住持董得時重構傑閣層軒輝煌金碧明改爲布政司治 元鄧文原開元宮詩西湖春動風泠泠歛忽鼓瑟窺湘靈天君杳眇降雲輶椒房桂棟羅芳馨春城日逝掩岷暮幽夢重門鎖花霧玉簫

聲沉鳳飛去迸入秋風五陵樹至人高懷視雲浮昔
者金屋今丹丘白鶴來下明月樓知有玉喬飛鳥遊
贈揭傒斯開元宮詩香臺遙對紫皇家陰洞斜廻七
寶車曉氣未收春夢斷新宮月冷誦南華黃湑開
元宮詩誰使藏舟一夜移紅樓翠幔未全非曾聞帝
女乘鸞去疑有仙人跨鶴歸烟徑月明瑤草歇石壇
露冷碧桃稀赤欄橋畔多時立閒看楊花作雪飛
虞集開元宮來鶴亭詩亭前春雨長蒼苔海鶴長鳴
一日來從此琴心三疊裏月明時見影徘徊

龍翔宮在縣治西北後市街宋淳佑中建當時有題

方輿路程考畧

卷

天

壁句云龍翔宮闕壯皇都鑿輅縈廻枉德車理宗潛
邸也元改建城西陝張氏據爲軍器局

德壽宮在城東南本宋孝宗奉親之所內有聚遠樓
取東坡詩賴有高樓能聚遠一時收拾與閒人之意
乾道間嘗於此賞花賦詩元改宗陽宮其側有佑聖
宮孝宗爲普安郡王時外第也光宗寧宗皆誕於此
紹興中賜額元改佑聖觀元楊載宗陽宮望月分
韻詩老君臺上涼如水坐看冰輪轉二更大地山河
微有影九天風露寂無聲蛟龍并起承金榜鸞鳳雙
飛載玉笙不信弱流三萬里此身今夕到蓬瀛

西湖書院在府治北寰宇通志本宋太學故基內藏高宗御書六經石刻元至正間肅政廉訪使徐琰改爲西湖書院明初改仁和縣學後并石刻徙置郡學西偏

花市在城南鳳山門內亦名花團宋時鬻花者皆集于此奇葩異卉冬夏不絕芬芳繚繞人行香霧中蓋汴京有壽安山山下多花園春時賞宴爭華競靡繡圍錦簇移都後以花市比之故稱壽安坊宋陸游臨安春霽詩世味年來薄似紗誰令騎馬客京華小樓一夜聽春雨深巷明朝賣杏花

方輿路程考畧

卷

完

燈市在城南鳳山門內自壽安坊而下至衆安橋春前臘後各售彩燈由唐迄宋謂之燈市但張燈佳夕止每歲上元前後三夜吳越王納土請添兩夜嗣是其風愈盛高孝兩朝亦嘗遊幸唐白居易上元詩歲熟人心樂朝遊復夜遊春風來海上明月在江頭燈火家家市笙歌處處樓無妨思帝里不合厭杭州

宋李筼房燈市詩斜陽盡處蕩輕烟輦路東風入管絃五夜好春隨步暖一年明月打頭圓香塵掠粉翻羅帶寶炬籠紗鬪玉鈿人影漸稀花露冷踏歌吹度晚雲邊

明劉邦彥五夜觀燈詩一派春聲送管

絃九衢燈燭上薰天風迴鰲背星毬亂雲散魚鱗碧
月圓逐隊馬翻塵似海踏歌人駐夜如年歸遲不屬
金吾禁爭覓遺簪與墜鈿瞿祐燈市竹枝詞都司
烟火揭高竿萬斛珠璣撒玉盤看到頂頭齊喝采紫
葡萄上月團團

白馬廟在馨如坊壽城巷左本名護國天王堂相傳
宋高宗南渡時倦憩寺中夢神語之曰可亟起矣遂
乘白馬以行得免于難其事已載石門路程白馬岡
下杭州之廟蓋在高宗定都後建立以報神惠也後
人奉爲土穀祠 明陳寬錢塘懷古詩烟塵捲地北

方輿路程考畧

卷

三

風號泥馬南來駐六橋汴水故宮空有月海門沙激
寂無潮

鄴侯祠在城南甘泉坊內唐鄴侯李泌以杭近江湖
沮洳斥鹵其水苦惡惟負山鑿井乃得甘泉而所及
不廣當德宗興元時泌守杭州始作六井引湖水以
濟民一曰相國井一曰化成井一曰金牛井一曰方
井一曰白龜井一曰小方井而相國化成爲六井中
之最大者化成井亦名西井皆與祠近長慶間白居易
纘其績而浚治之民以爲利宋元祐五年蘇軾復
引六井餘波創爲二井後漸湮塞惟二井僅存杭人

感其惠立祠於此俗稱西井寺

宋宮井在城南尊勝寺中寺爲宋福寧殿故基元改爲寺內有尊勝塔井在塔西相近爲可賦軒寶宋張孝祥可賦軒詩光明獵獵上烏巾不減西湖爛漫春借我繩牀對修竹爲君一洗軟紅塵元僧止菴過宋宮井詩上有千尺桐下有千尺井風吹井上桐零落井中影

柳翠井在城南鳳山門內宋紹興間京尹柳宣教女相傳前因爲水月寺僧也色藝雙絕好佛法喜施捨所居城南抱劍營地遂鑿井營中以便遐邇并建柳

方輿路程考畧

卷

三

翠橋於萬松嶺下後遇臯亭山清了禪師爲說佛法遂皈依焉明姚靖題柳翠詩十年抱劍寄芳踪霧閣雲窳特地濃隔世夢醒深翠裏臯亭午夜一聲鐘**祥符寺**在城北武林門內梁大同時邑人鮑侃捨宅爲寺舊名發心唐改衆善宋曰祥符子院有戒壇院院內有鐵塔一石塔四錢王所鑿九十九眼井宋蘇軾祥符寺上元觀燈詩紗籠擎燭迎門入銀葉燒香見客邀金鼎轉丹光吐夜玉珠穿蟻鬧連宵波翻焰裏元相激魚舞湯中不畏焦明日酒醒空想像清吟常逐夢魂飄曾鞏祥符寺上元觀燈詩月明如

晝露華濃錦帳名郎笑語同金地夜寒消美酒玉人
春困倚東風紅雲燈火浮滄海碧水樓臺浸遠空白
髮蹉跎歡意少強顏猶入少年叢

吉祥寺在城北武林門內宋乾德間睦州刺史薛溫
捨宅爲寺治平初改名廣福後割其傍里爲文思院
軍頭司而寺額改爲吉祥內有牡丹唐時開元寺僧
自洛陽移植人稱落花至後漸多而吉祥獨盛唐
張祜詠落花贈白舍人詩濃艷初開小藥欄人人惆
悵出長安風流却是錢唐守不踏紅塵看牡丹 宋
蔡襄吉祥寺賞牡丹對月詩花未全開月未圓看花

方輿路程考畧

卷

三

對月思依然明知花月無情物若使多情更可憐
蘇軾吉祥寺看牡丹寄陳述古詩仙衣不用剪刀裁
國色初酣卯酒來太守問花花不語爲誰零落爲誰
開 又至後十日復至吉祥寺詩東君意淺著寒梅
千朶深紅未暇裁安得道人殷七七不論時節遣花
開 又冬十月寺中牡丹詩一朵妖紅翠欲流春光
回轉雪霜羞化工只欲呈新巧不放閒花得少休
王阮勸農題吉祥寺詩傍石尋幽徑窮源得梵城潮
聲四面白山色一團青農合巡門勸僧煩倒屣迎明
年我更健來伴此中耕

天長淨心寺在城北武林門內晉天福中錢氏建宋析其地爲軍寨尋置出塵庵於寺中有僧廣寶道行甚高棲息於此元以天花紛降之異改名龍華其時寶閣穹壯冠絕郡城內有九曲房明景泰間僧日福復開講席焉明宋高宗賜僧廣寶詩大界宜春賞禪門不掩關宸遊雙闕外僧引百花間車馬喧長路烟雲淨遠山觀空復觀俗皇鑑此中間 明聶大年贈天長寺僧日福詩歸去深居遠俗譁莫教巢燕污袈裟從今悟了三生語高侍瓊臺看雨花

潮鳴寺在城北慶春門內梁貞明間建初名歸德院

方輿路程考畧

卷

三

宋高宗駐蹕寺中聞江濤聲遂賜今名寺北有廻龍橋高宗嘗書蘇軾詩賜統制劉漢臣勒石寺中 軾詩野水參差落漲痕疎林欹倒出霜根扁舟一棹向何處家在江南黃葉村皇鑑此中間 明建宋大中

千頃廣化院在城西北錢塘門內吳越王建宋大中祥符間改爲明慶寺內有明碧軒趙抃題其堂曰垂慈蘇軾書觀音經碑藏於內理宗時常幸寺祈雨回鑾撤蓋甘雨隨注遂書明慶二字以旌之明宋王安石明碧軒詩明碧軒南竹數叢別來江介幾秋風道人無復人間世笑我今爲白髮翁天僧道潛千頃解

院觀司馬才仲遺墨詩朦朧春雨混村橋橋裏禽聲
婆餅焦度谷倦聞車軋軋穿林愁聽馬蕭蕭細窺陳
跡僧房靜默想風流鄙俗消富貴浮雲如過隙何人
漁唱調聲高

靈芝寺在城東清泰門內俗稱蠟燭庵唐貞觀間郡
人施光慶捨宅建本名實際院明正統中重葺錢塘
風俗歲造土牛迎春于此 宋胡浩然贈郡守鞭春
開宴調喜遷鶯詞譙門殘月聽畫角曉寒梅花吹徹
瑞日祥雲和風解凍青帝乍臨東闕暖向土牛簫鼓
天路珠簾高揭最好是戴綵旛春勝披頭雙結 奇

方輿路程考畧

卷

三

絕開宴處珠履玳簪俎豆爭羅列舞袖翩躚歌喉縹
緲壓倒柳腰鶯舌勸我應時納帖還把金爐香焚願
歲歲一卮春酒長陪佳節 元僧簡俊過靈芝寺詩
城畔春江動客愁江邊細草綠悠悠還將短髮臨岐
路畏向東風憶舊遊斜日遠天歸鴈急薄雲孤館落
花稠青燈不放還家夢一夜腸回一萬周
長生庵在城南鳳山門內溜水橋西元至正初邑人
姚姓挈妻脩真各建一庵姚所居者額曰長生 元
楊維禎長生庵詩獨坐清都鶴夢長碧天如水月蒼
蒼雲和有藥降王母霹靂無車喚阿香雪泚冰甌茶

吐沫花零金剪玉生光仙風不動庭前竹又送微鐘
到下方 張世昌長生庵詩碧桃花下磬聲長曾侍
茅巖禮上蒼白玉佩懸明月小紫霞衣繡彩雲香星
壇寶劍橫秋氣石鼎丹砂走夜光海底金雞忽三唱
不知紅日曜東方 趙孟頫長生庵詩溜水橋西一
徑斜青衣相接到仙家香分橄欖燒銀葉酒瀉松脂
溢紫霞綠竹滿堦初解籜碧桃幾樹正開花何時脫
却凡塵累來叩丹房九轉砂 明聶大年長生庵詩
藥宮琪樹罷棲鸞空憶元都太古壇野老不尋餐玉
訣山人自製切雲冠杖龍化去秋池涸笙鶴歸來夜

方輿路程考畧

卷

姜

月寒前度劉郎偏好事種桃留與後人看

白蓮院在平安坊仙林橋東吳越王建名華嚴院宋
咸淳間禪師祖顯來自石城持誦法華寒暑不輟嗣
後地產白蓮數莖異香徧布事聞勅賜白蓮慈雲院
額 宋陸游白蓮院小憩詩橫閣院東徧翛然佛榻
眠香濃烟穗直茶嫩乳花圓巖倚團團桂筒分細細
泉憑誰爲題版擬作小壺天

紫雲巖上香白玉佩懸明月小紫霞衣繡彩雲香星
壇寶劍橫秋氣石鼎丹砂走夜光海底金雞忽三唱
不知紅日曜東方 趙孟頫長生庵詩溜水橋西一
徑斜青衣相接到仙家香分橄欖燒銀葉酒瀉松脂
溢紫霞綠竹滿堦初解籜碧桃幾樹正開花何時脫
却凡塵累來叩丹房九轉砂 明聶大年長生庵詩
藥宮琪樹罷棲鸞空憶元都太古壇野老不尋餐玉
訣山人自製切雲冠杖龍化去秋池涸笙鶴歸來夜

